



類函 四四



卷九三  
三設官  
三官  
九四  
三設官  
四官

加<sup>5</sup>  
427  
44



4.3



新金圖書  
此係明治八年八月廿月  
所購以贈  
山田一  
郎資  
君田一人  
郎資



淵鑑類函卷九十三

設官部三十三

司農卿 少卿 附

太僕卿 少卿 附

司農官屬 太僕官屬

車府令 鴻臚卿 少卿 附

太府卿 少卿 附

太府官屬

鴻臚官屬

司農卿一

少卿并載

原杜氏通典曰少皞氏以九扈為九農正

扈鳥也扈有九種以為農

以發各隨其宜舜攝帝位命棄為后稷周為太府下大夫

秦為治粟內史掌穀貨漢景帝更名為大農令武帝太

初元年更名大司農掌九穀六畜之供膳羞者

見宋志漢書曰

主穀凡郡國諸倉農監都水六十五官皆屬焉

母將隆字君房

為執金吾上發武庫兵送董賢及乳母隆以為武庫兵器天下公用繕脩造作皆度大司農錢自乘輿不以給

供養勞賜一出少府蓋不以本  
藏給未用不以人力供私費也  
後漢大司農掌諸錢穀  
金帛郡國四時上月且見錢穀簿其逋未畢各具別之  
邊郡諸官請調度者皆為給報損多益寡取相給足初  
郡國鹽官鐵官並屬司農中興皆屬郡縣建安中為大  
農魏黃初元年又改為司農大司農桓範出奔謂曹爽得開倉而食範為司農以清省稱晉初因之渡江哀帝末省司農并都  
水孝武復置宋齊皆有之梁司農卿位視散騎常侍主  
農功倉廩陳因之後魏曰大司農北齊曰司農寺有卿  
少卿各一人掌倉市薪米園池果實後周有司農上士  
一人掌三農九穀稼穡之政令屬大司徒隋初與北齊

同煬帝置少卿二人穎川太守趙元淑入朝會司農不  
如卿意者幾時當了元淑曰不過十日即唐龍朔二年  
改司農為司稼咸亨初復舊卿一人少卿二人掌東耕  
供進耒耜及邦國倉儲之事領上林太倉鈎盾導官四  
署署各有應劭漢官儀曰大司農古官也高祖受命  
懲秦之弊與民休息逮文景國家無事家給人足京師  
之錢累百巨萬貫朽而不校太倉之粟陳陳相因充溢  
露積腐敗而不食 臧榮緒晉書曰哀帝興寧二年省  
司農之職至孝武寧康中復置 沈約宋書曰大司農  
卿一人稱棄后稷其職也 齊職儀曰司農卿耕藉則

設官部 司農卿

掌其禮儀 初學記曰案敘司農卿漢官也漢官云初

秦置理粟內史掌穀貨漢因之按堯命羲和四子敬授

后稷播時百穀蓋其任也周官冢宰之屬有太府下大夫鄭元注曰太府主治藏之長若今時司農也並司農

任王莽改大司農曰羲和後又改為納言東漢復為大

司農五代史百官志云梁加卿字曰司農卿省大字後

魏又加大字北齊又除大字隋氏因之唐初因之

宋史曰宋置司農寺判寺事二人以兩制朝官以上充

熙寧二年置制置三司條例司立常平斂散法三年詔

以常平新法付司農寺而農田水利免役保甲等法悉

自司農講行 又曰元豐官制行始正職掌寺監不治

外事舊事職務悉歸戶部右曹司農掌倉儲委積之政

今總苑囿庫務之事而謹其出納凡京都官吏祿廩諸

路歲運至京師悉掌焉凡苑囿行幸排比及薦饗進御

頒賜植藏之物與造麩蘖儲薪炭皆戒有司先期辦具

以待給用天子親耕藉田有事于先農則卿奉耒耜少

卿率屬及庶人以終千畝所隸官屬凡五十倉二十有

五建炎三年罷司農寺以事務并隸倉部紹興四年復

置 續文獻通考曰遼南面有司農寺 又曰金初置

勸農使司興定二年罷改立為司農司使副使掌勸課

天下力田之事其司農司兼採公事者大司農一人卿

與少卿各三人陝西并河南二路置行司農司至大元  
年歸德許州河南陝西各置卿少卿等官卿以下迭出  
巡按察官吏臧否而黜陟之十年之間民政脩舉實賴  
其力 又曰元世祖至元七年置大司農司凡農桑水  
利學校饑荒之事悉掌之十四年罷以按察司兼領勸  
農事十八年改立農正院二十年又改立務農司是年  
又改司農寺達魯花赤一人司農卿二人二十三年仍  
為大司農司仁宗皇慶二年定置大司農四人陞從一  
品卿少卿各二人 又曰行大司農司設勸農營田司  
使副使 又曰分司農司順帝至正十三年立先昇脫  
脫言京

畿近水地利召募江南人耕種粟麥可收歲百萬餘石  
不煩海運京師足食於是立分司農司以右丞悟良哈  
台左丞烏古孫良禎兼大司農卿給分司農司印西自  
西山南自保定河間北抵檀順東及遷民鎮凡官地及  
元管各屯田悉從分司農司立法佃種又倣前集賢學  
士虞集議於江淮召募能種水田及脩築圍堰之人各  
千人為農師所募農夫 又曰明司農之職總於戶部  
人給鈔十錠期年散歸 不設司農卿及行司農等官惟上林苑監仍舊

司農卿二

原史記曰韓信歸漢以為治粟內史 漢書曰武帝天  
漢元年以桑弘羊為大司農置丞數十部於郡國 又  
曰宣帝地節四年北海太守朱邑以治行第一入為大  
司農 華嶠後漢書曰鄭衆字仲師為大司農在位以

清正稱其後受詔作春秋刪十九篇 東觀漢記曰牟融為大司農性明達朝廷稱為名卿 又曰高詡字季回以儒學徵拜大司農在朝以清白方正稱 魏志曰梁習為并州二十餘年政治為天下最乃徵拜為大司農 **增**唐書曰太宗朝孫伏伽遷大理卿時司農市木槿倍直與民右丞韋瓘劾吏隱沒事下大理訊鞠伏伽曰緣官市貴故民直錢臣見司農識大體不見其罪帝悟顧瓘曰卿不逮伏伽遠矣 又曰唐高宗謂韋弘機曰宮館隋代所造漸將摧毀頗欲修葺又費財力如之何弘機曰臣任司農向已十年前後省費今見貯錢三

十萬貫可以供葺理上悅 又曰肅宗時第五琦以戶部侍郎判度支河南等道度支轉運租庸鹽鐵鑄錢司農太府山南東西江西南館驛等使 又曰郭釗子暖也累官司農卿憲宗寢疾宦豎或妄議廢立者穆宗問計於釗答曰殿下為太子當旦夕視膳何外慮乎時稱得元舅體 宋史曰王濟判司農寺時周伯星見濟乘間言曰昔唐太宗以豐年為上瑞臣願陛下日慎一日居安慮危則天下幸甚受詔與劉綜改定茶法頗易舊制由是忤丁謂 又曰孝宗朝李浩以台州除司農少卿時朝廷和糴米八萬董其事者賤糴濕惡隱剋官錢

戶部不敢詰浩白發其姦下有司窮竟戶部欲就支稽見數大理附會之浩爭曰非但惠姦且虧軍食上是其言又曰李椿除司農卿椿會大農歲用米百七十萬斛而省倉見米僅支一二月歎曰真所謂國非其國矣力請歲儲二百萬斛為一年之蓄又曰高夔字仲一上親擢為司農少卿時倉地卑下夔始用板米以是不腐元史曰元世祖時張文謙拜大司農卿奏立諸道勸農司巡行勸課請開藉田祭先農先蠶時阿合馬專政議拘民間鐵官鑄農器高其價以配民謙於帝前極論罷之又曰二十六年董文用為大司農時欲以民

田為屯田文用固執不可乃止

司農卿三

六府 萬石 崔瑗鮑德諱曰乃司大掌是六府三萬石揚籩之

天倉 國淵 韓陽天文要集曰天倉者

司金 掌帛 漢書曰大司農卿一人中

周曰太府 莽改義和 漢書曰大司農卿一人中

高詡方正 牟融明達 並詳類聚

延年盜錢 趙典交德 漢書曰田延年為大司農坐盜

表陳盜賊所由 諫以農桑 續漢書

為務 續漢書曰李固為大司農時牧守多其宗親有詔

設官部 司農卿



牧守多非其人焉魏志云司馬芝為大司農先是諸  
典農各部吏民未作治生以要利入芝奏曰王者之治  
崇本抑末務農重穀臣愚以為不宜復以商事漢崇  
雜亂專以農桑為務於國計為便明帝從之漢崇  
儒學選在康成晉寵貞廉任先崔氏  
農白帖云晉崔洪為司農  
手不執珠玉口不言貨財

### 司農卿四

**增**杖乃奏唐書曰常弘機擢司農少卿主東都營田苑  
後有犯治之毋犯法杖乃奏高宗時賞賜絹五十匹曰  
奏遷司農卿倒用印  
天段秀實論大吏岐靈岳竊取姚令言印不疾馳奉  
獲乃倒用司農印追其兵吳至駱驛得符還安車徵  
鄭續漢書曰鄭元公中徵為大司農天子器耿  
莫農給安車一乘所過長吏送迎置綾梁閣  
字叔慮為大司農曉邊事能唐書曰初宰  
議論數上便宜事天子器之

原州詔中使白段秀實秀實言方春不可興土功請須  
農隙炎謂沮已遂召為司農卿秀實自涇州被召戒其  
家曰若過岐朱此必致贈遺慎毋納至岐泚果致人綾  
三百家人拒納遂致都秀實怒曰吾終不以汙吾第  
以置司農治堂之梁問吏後六宮餐錢  
以告泚泚取視封如故度唐書曰度支  
移司農司農季一出付吏大吏盡舉所給於人權其子  
錢以給之既不以時黃門來督責慢罵杜中立為司農  
卿取錢納之既不以時黃門來督責慢罵杜中立為司農  
吏不得為姦後遂以法鄙其聚斂  
并州大總管太宗即位授司農卿趙元楷為少卿靜鄙  
其聚斂因會官屬大言曰如賜帝奢侈竭四海自奉司  
農須公矣今天子躬節儉屈不貴文學  
人安兆庶惡用公哉元楷大慚唐書曰薛  
農卿是時詔舉堪刺史縣令者且百人延問民間疾苦  
得失取尤通達者什二宰相欲校以文詞珽曰求良吏  
不可貴文學宜以上愛人之本為即薦於朝  
心也宰相多其計所用皆稱職唐書曰  
蕭祐字祐之少貧窶隱居以孝養聞司農卿李實督官  
租祐居喪未及輸召至將責之會有賜與情祐為奏實  
設官部司農卿

稱善即薦於朝  
終制為左拾遺  
子識遠文詳吾恨晚  
得之六遷司農少卿  
六遷少卿  
四遷司農  
時姚崇兼府長史嘗曰  
宋史曰寧宗時李

謹始五箴

宋史曰寧宗即位劉光世除侍御史改司  
農少卿入對獻謹始五箴又論人主有六

易六難上  
士人除授  
宋史曰莫濟除司農少卿自禮  
部員外郎除魏杞奏曰濟嘗中

詞科且掌南宮  
賤奏恐議者以為蹊徑未是上曰中  
官初不分清濁如司農責任亦甚重以士人除授亦無

害  
斥賣祠廟  
宋史曰新法行鬻河渡坊場司農并斥  
張平方言宋王業所基闕伯封於商丘以主大火微

子為始封之君是二祠者亦不得免乎帝震怒批牘尾  
曰慢神辱國莫甚於斯於

遷天下祠廟皆得不鬻  
尚書謂弘曰舊嘗一月科遣諸徒七百人弘舉吏范固為

何其多也弘曰舊嘗一月科遣諸徒七百人弘舉吏范固為  
為多如是遣萬人為少也

鄭莊言長者  
漢書曰鄭

鄭弘科遣徒  
後漢書鄭

士及官屬丞史山東諸公以此翕然稱莊也  
鄭眾  
諫改弊  
華嶠後漢書曰鄭眾字仲師為左馮翊政有明  
弊農田鹽鐵事眾諫以為不可詔  
數切責至被奏劾眾執之不移  
書曰劉據為大司農以職事被譴召將加捶僕左雄諫

曰九卿位亞三公班在大臣行有佩玉之節動有庠序  
帝從而改之其後始有撲罰皆非古典  
唐書曰文宗朝杜中立以駙馬都尉遷司農卿龜史曰卿

反為中傷左徒慶王傳久之復拜司農卿入奏帝曰卿  
尤叢劇陛下無信曰穀下有司養名不肯事如司農

農不繳奏  
宋史曰鄧綰上書諛佞王安石以侍御史判  
農故安石藉綰以威眾富弼在毫不散青苗錢綰請付

吏究治畿縣民訴助役詔詢其便否兩行之綰與曾布  
輒上還堂帖中丞楊繪言

未聞司農得繳奏者不報  
原仲卿居處節儉  
漢書曰

設官部  
詳監類函卷九十三  
司農卿

原仲卿居處節儉  
漢書曰

朱邑字

朱邑字

朱邑字

朱邑字

朱邑字

仲卿為大司農居處節儉然性公正子優居職脩治

不可交以私天子器之朝廷敬焉東觀漢記云牟融字子優遷大司農居職脩治又

善議論朝廷皆服其能帝數嗟歎以為才堪宰相重家貧妻裾穀食謝承後漢書曰湛重字文疊補大司

食王思苛碎下吏嗷然魏略云王思正始中為大司

也

司農卿五

**原** 漢揚雄大司農箴曰時維大農爰司金穀自京徂

荒粒人自斛肇自厥初實施一作惟食厥僚后稷有無

遷易實均實贏惟都作程旁施衣食厥民攸生上稽二

帝下閔三王什一之征為民作常遠近貢篚百則不忘

帝王之盛實在農植季周爛熳而東作不勅膏腴不獲

庶物並荒府庫殫虛靡積倉箱凌遲衰微周卒以亡秦

收大半二世不瘳泣血之求海內無聊農臣司均敢告

執繇 晉張華大司農箴曰家有廬井王有廩籍阜茂

豐物和鈞關石在周之季不虞政首棄稷弗務不籍千

畝匱神乏祀敗於戎醜稽臣司農敢告左右

**原** 墓誌陳江總司農陳暄墓誌銘曰其文散散其筆縱

橫背碑即誦據馬俄成誹諧見賞調笑忘情兩宮寵官

四主恩榮萬事依息一朝追送疇昔命觴文可吟諷今

日酌酒長悲且慟

原誄後漢張衡大司農鮑德誄曰昔君烈祖丕顯奕世敬叔生牙美管交賴至於中葉種德以邁種德伊何去虛適參建旄屯留其茂如林降及我君總角有聲遺蒙萬穀寵祿斯丁守約勤學克勞其形濬哲之資日就月成業業學徒童蒙求我舍厥往著去風即雅濟濟京河實為西魯昔我南都惟帝舊鄉同於郡國殊於表章命親如公弁冕鳴璜若惟允之實耀其光導以仁惠教以義方習射矍相饗老虞庠羌髦作虐艱我西鄰君斯整旅耀武月頻蠢蠢戎虜是懼是震知德者鮮惟君克舉既厭帝心將處台輔命有不永時不我與天實為之孰

能其禦股肱或毀何痛如之國喪遺愛如何無思

增制唐元稹授裴武司農卿制曰敕農天下之大本也故國有九列而司農氏居其一焉前代非牟融之循理康成之儒學不在茲選今海內無事思與公卿等樹立根柢以制四方於是外選方伯之善於其職者入補茲任具官裴武予聞其先始以孝友書於國籍其後果有丞相為唐名臣賢彥因仍代濟不乏武亦嗣其忠孝益熾家聲鬱為元僚所至稱理嘗居內史屢入正卿自華至荆無非劇地鍵轄豪右衣食犖犖嚴而不殘仁而有制鎮定南服予方賴之而亟請來朝因求內任嘉其戀

我難奪乃誠假以秩宗之榮用制國泉之重費而不訕爾其勉之可檢校禮部尚書兼司農卿餘如故 薛廷珪授司農卿制曰書曰昔我先正五世后稷以服虞夏之衰也棄稷不務先公不窋用失其官至於武王昭前人之光明事神保人莫不欣喜訓誥具在朕安敢失墜而叔世偷薄乃不知稼穡之艱率以三署為華輕其職任寢以成俗嘻鄭元漢之名儒也韓信漢之上將也尚聞徵拜或至就加來奉疇庸得不寅畏敬授羲和之職往脩后稷之官豐阜有聞陟勸斯在

**增記**宋張維司農寺壁記曰竊謂六卿非古也周官六

卿與三少為九漢儒附會之說也今倣周制以戶部掌國計而司農猶為列卿贅矣况倉儲出納自昔太倉令主之蓋大司農之屬猶今之倉部也以列卿而行太倉今日惟倉部要束是聽位雖高勢出倉部下至於軍餉給發罷於奔命世號為走卿辱矣維下走也不敢謂辱而惟贅是羞又安能紀事乎

司農卿官屬一

承 主簿 上林署 太倉署 鈎盾署 導官署 苑總監

諸倉監

司竹監

諸屯監

驛粟都尉

均輸令

幹官長

藉田令

典農中郎將

**原**社氏通典曰司農丞秦曰理粟內史丞有二人漢為

司農官屬

司農官屬

司農官屬

二

大司農丞亦二人

續漢書百官志云司農丞秩比千石漢宣帝建始中于公三為之謂之中丞

歌壽昌為大司農中丞奏設常平倉給北邊

會平帝又置大司農部丞十三人

人部一州勸農桑後

漢司農丞一人部丞一人

部丞土部丞

魏晉因之銅印黃綬

宋齊以進賢一梁冠介幘卓衣後魏北齊皆有司農丞

隋置五人唐六人

**增**宋史曰熙寧新法行呂惠卿請

置司農寺丞一員五年增置丞四員仍與簿輪出按察

逐年保甲元豐四年減丞一員建炎時罷司農寺紹興

三年復置丞三員凡有合行事務申戶部施行四年復

置如舊制

金司農丞一員

元司農丞二員

**原**主

簿晉太康中置自後無聞梁陳又有北齊亦然唐因之

**增**宋史曰治平中已置熙寧新法行詔增一員後置

六員元豐四年減三員元祐五年以本寺主簿兼檢法

紹聖四年罷主簿添丞一員紹興四年復置寺十年復

置簿元史曰大司農不置簿置經歷都事架閣庫管

勾照磨等官

**原**上林署漢水衡都尉之職

說在都水篇後漢曰上林苑令丞主苑中禽獸頗有人居皆主之魏晉

因之江左無聞宋初復置隸尚書殿中曹齊因之梁陳

屬司農北齊及隋亦然唐因之有令二人丞四人掌諸

苑園池沼種植蔬果藏冰之事

**增**文獻通考曰宋四

園苑提舉官無常員以三司判官內侍都知諸司使以  
上充東曰宜春南曰玉津西曰瓊林北曰瑞聖監官各  
二人以諸司使副或內侍三班使臣充又有西京宮苑  
司勾當官一人元豐後四園苑屬司農 續文獻通考  
曰金上林署屬工部官曰上林署提點 又曰元置上  
林署令署丞各一掌宮苑栽種花卉供進蔬果首藉以  
飼駝馬備煤炭以給營繕所屬有養種園提領花園管  
勾首藉園提領等官隸大都留守司不隸司農 又曰  
明洪武間議開上林苑比圖上上曰妨農業不可遂止  
永樂五年始設宣德十年更定四署今上林苑監左右

監正左右監副左右監丞各一人其屬典簿一人良牧  
蕃育林衡嘉蔬四署各典署一人署丞一人掌苑園  
池牧畜種樹之事凡禽獸草木蔬果率其屬督養戶栽  
戶以時經理而畜殖之以供祭祀賓客宮府之膳羞凡  
苑地東至白河西至西山南至武清北至居庸關西南  
至渾河並禁圍獵典簿司校文移良牧署牧牛羊豕蕃  
育署育鵝鴨鷄皆籍其牝牡之數而課孽卵焉林衡署  
典果實花木嘉蔬署典蒔藝瓜菜皆計其畦町樹植之  
數而以時苞進焉 **原**太倉署於周官有廩人下大夫  
上士秦官有太倉令丞漢因之屬大司農 漢百官公卿  
表云司農屬

官有太倉令後漢令主受郡國傳漕穀梁冀別傳云孫壽姊夫宗所不知書因壽氣力為其滎陽教倉官中興皆屬河南尹晉有太倉令一人銅印墨綬朝服進賢一梁冠品第七月俸月二十斛品俸與上太醫令同江左以來又有東倉石頭倉丞各一人北齊亦然後周曰司倉下大夫隋有令二人丞六人唐有令三人丞二人掌倉廩出納增宋史曰宋京城諸倉總二十五名監官每界二人以京朝官及三班使臣充元豐後二十五倉屬司農凡官吏軍兵祿食及綱運受納封椿支用月具報數以報司農乾道五年詔糧綱有欠從本寺斷遣南北省倉草料場和糴場

隸焉監倉官分上中下界司其出納諸場皆置監官外

有監門官排岸司四掌水運綱船輸納催值之事政和六年

浙西諸州各置排岸一員從兩浙運副應安道請也下卸司掌受納綱運檢察斛

面官主交量各分其事以佐本寺又曰中興後又有

豐儲倉初紹興以上供米餘數椿管別廩以為水旱之

助後又增廣收糴置監官二員監門官一員淳熙間命

右司為之提領後以屬檢正非奉朝廷指揮不許支撥

凡外州軍起到椿管米從司農寺差官盤量據納到數

報本所椿管監官監門官在外則鎮江建康亦置倉焉

元明太倉俱歸戶部原鈎盾署漢鈎盾令官者典諸近園苑遊



觀之事屬少府後漢亦有之晉大鴻臚屬官有鈞盾令  
自後無聞北齊如晉制隋如北齊令三人丞十二人唐  
因之令二人丞四人掌薪炭鵝鴨藪澤之物天寶五載九月侍御

史揚釗充木炭使自後相承或以京尹或以戶部侍郎為之

**增**宋史曰宋以後不

置宋司農寺置內柴炭庫掌諸薪炭以給宮城及宿衛  
班直軍士薪炭席薦之物炭場掌儲炭以供百司之用

元史曰上都大都柴炭局隸宣徽院

**原**導官署擇

周有舂人秦漢有令丞屬少府漢東京令丞主舂御米  
及作乾糲續漢書百官志云導官令一人六百石主舂御米又環濟要略云導官令掌諸御米飛麵  
備音屬大司農歷代皆有之唐置令二人丞四人掌舂

碾米麵油燭之事

**增**宋史曰宋以後不置宋司農寺

置都麴院掌造麴以供內酒庫酒醴之用水磨務掌水  
磴磨麥以供尚食及內外之用 元史曰元供膳司掌  
供給應需貨買百色生料至元二十二年始置隸司農  
置達魯花赤提點令丞等官其屬輔用庫大使掌規運  
息錢以給供需興中州油戶提領所歲辦油以供內庖  
蔚州麵戶提領所掌辦白麵 **苑**總監自隋而置東

西南北各有監及副監唐因之兼有丞主簿等官以掌  
苑內宮館園池之事 諸倉監後漢河南尹屬官有滎  
陽穀倉長丞梁司農有左中右三部倉丞陳因之隋諸

倉各有監官唐因之掌倉廩出納 司竹監漢有司竹  
長丞魏晉河南淇園竹各置官守之後魏有司竹都尉  
隋曰司竹監唐因之有監副監丞掌植養園竹事 諸  
屯監隋置諸屯監及副監畿內者隸司農自外者隸諸  
州唐因之置監及丞掌營種屯田勾當功課畜產等事  
**增**續文獻通考曰元世祖置屯田打捕總管於延安  
設達魯花赤總管同知等官又置屯田打捕所於北京  
順帝至正十年置河北江南都總制營田使司其屬有  
屯田總管府凡五各路又有屯田萬戶府所置不一所  
領亦不專司農卿也 **原**驥粟都尉 驥音搜 漢武帝軍

官不常置又有理粟都尉桑弘羊為之 均輸令按漢

百官公卿表司農屬官有均輸令後漢省 幹官長漢

有之 如淳曰幹音管或作幹主均輸之事所謂幹鹽鐵

而惟酒酤也晉灼曰此竹箭幹之長官也均輸自

有令顏師古曰如說近是也縱作幹請 初幹官屬少府

中屬主爵後屬大司農 **增**宋史曰熙寧六年以司農

間遣屬官出視諸路力有不給乃置幹當公事官以葉

康直等四人為之九年以幹當公事官所至輒用喜怒

罷之從熊本請也 **原**藉田令按周為甸師漢文帝初

立藉田置令掌耕園廟社稷之田 漢書百官公卿表云

司農屬官有藉田令 漢東京及魏並不置晉太始十年復置 杜預奏事云藉

千畝十頃之田計其察行周旋不過十里凡宗廟桑盛  
一邑所供至重事貴臨履也江左省宋文帝元嘉中又置

**增**續文

獻通考曰宋藉田令掌帝藉耕耨出納之事植五穀蔬  
果藏冰以待用元豐三年詔藉田令隸太常寺渡江初  
闕紹興十五年初除康與之為藉田令  
**原**典農中郎  
將典農校尉並曹公置晉武帝太始二年罷農官為  
郡縣後復有之隋煬帝罷典農官勸農謁者梁武天  
監九年置視殿中御史自駿粟以下盡屬司農今並無

司農卿官屬二

**增**唐書曰中宗朝監察御史魏傳弓嫉中人輔信義欲

劾奏其奸竇懷貞曰是安樂所信任奈何繩之傳弓曰  
王綱壞矣正坐此屬今日殺之明日誅無所悔傳弓者  
鉅鹿人忠謇士也終司農丞宋史曰熊本判司農寺  
丞神宗曰熊本不傷財不害民一旦去百年之患可嘉  
也又曰王覲熙寧間除司農寺主簿轉為丞司農時  
為要官進用者多由此選覲拜命一日即求外楊誠  
齋集葉顥字子昂遷司農寺丞在朝三年非公事未嘗  
至丞相府樞密王綸知其恬退而未知其德性一日官  
誥院失錦令治之顥請寬慢藏之罪於是綸大喜謂其  
客曰葉寺丞介而通嚴而恕真重器也宋史曰神宗

惠司農圖籍不肅選官釐整宇文昌齡以使夔路入辭  
留為寺主簿 又曰孫覽知尉氏縣有屯將遇下虐士  
卒謀因大閱殺之覽馳往呼諭安之已而屯將至覽命  
吏趣具奏眾意遂安神宗壯其材以為司農主簿舒亶  
判寺欲引覽自助覽拒不答 又曰王自中少負奇氣  
淳熙中登進士第為分水令樞密王藺薦之召對帝壯  
其言改秩為藉田令 又曰乾道中謝深甫知處州青  
田侍御史葛泌等交薦之孝宗召見諭宰臣曰謝深甫  
奏對雍容有古人風除藉田令

太僕卿 一少卿并載

**原**杜氏通典曰周官有太僕下大夫掌正王之服位出  
入王之大命似今太僕之職一云周穆王置太僕正以  
伯冏為之秦因之在周官則校人掌馬巾車掌車及置  
太僕兼其任也漢初夏侯嬰常為之領五監六廢皆有  
令或曰六廢謂未央承華駟駘龍馬駘駘六廢也馬皆  
萬匹武帝承文景蓄積海內殷富廢馬有四萬匹  
時曰奴數寇邊遣衛青霍去病發十萬騎并負私從馬  
凡十四萬匹窮追大破匈奴漢馬死者十餘萬匹匈奴  
雖病遠去而漢亦馬少無以復往於是漢久不北擊匈  
奴數歲減兩越是時天子巡邊親至朔方勒兵十八萬  
騎以見王莽改太僕為太御後漢太僕與漢同亦掌車  
馬天子每出奉駕上鹵簿用大駕則執馭初漢西京置  
六廢東京約

設官部

開盤類系卷九十三

太僕卿

六

梁冠佩水蒼玉領典牧乘黃驊騮龍馬等廢令自元帝  
過江之後或置或省太僕既省故驊騮廢為門下之職  
晉宋以來不常置郊祀則權置太僕執轡事畢則省齊  
亦然梁太僕卿位視黃門侍郎統南牧左右牧龍廄內  
外廄陳因之後魏兼置少卿太武帝平統萬赫連昌定  
龍右禿髮沮渠等河西水  
草善乃以為牧地六畜滋息馬三百餘萬西水  
之牛則無數孝文帝遷洛陽之後復以河陽為牧場恒  
置戎馬十萬匹以擬京師軍警之備每歲自河西徙牧  
於并州漸南欲其習水土而無死傷也而河西之牧滋  
甚北齊太僕寺統驊騮左右龍左右牧乘黃車府署卿  
及少卿各一人後周如古周隋如北齊煬帝加署少卿  
一人唐龍朔二年改太僕為司馭咸亨初復舊光宅元

年改為司僕神龍初復舊卿一人掌馭五輅少卿本一  
員景雲元年加一員領乘黃典廄典牧車府等四署署  
各有令天下監牧置八使五十六監貞觀初僅有牧北  
徒之隴右十五年始令太僕卿張萬歲勾當羣牧至麟  
德四十年間馬至七十萬六千匹置八使領六監初置  
四十八監跨蒲渭秦原四州之地猶為監狹更析八監  
布於河曲其時天下以一縑易一馬儀鳳三年少卿李  
思文檢校隴右諸牧監方稱使爾後或戎狄外侵或牧  
圍乖散泊乎垂拱漸耗大半開元初牧馬二十四萬匹  
十三年加至四十五萬匹初有牛三萬五千頭是年有  
五萬頭初有羊十一萬二千口是年有二十萬六千口  
盛於漢書百官表曰太僕掌輿馬屬官有大廄未央  
廄家馬三令各五丞一尉又車府路軫騎馬駿馬四令  
丞又龍馬閑駒橐泉駒駮承華五監長丞又邊郡六牧

設官部  
司監類考卷九十三  
太僕卿  
九

師苑令各三丞又牧橐昆蹄令丞皆屬焉武帝太初元年更名家馬為酮馬應劭注乳馬取其汁桐治之味酢可飲因以名官也文類曰所主總酮雜合非上選所別異之馬也如淳曰主乳馬以韋革為夾兜受數斗盛馬乳桐取其上肥因名酮馬今梁州亦名馬駱為酒馬音捫徒孔漢舊儀曰太僕牧師諸苑三十六所分布北邊以郎為苑監官奴婢三萬人分養馬三十萬頭擇取給六廢牛羊無數以給犧牲齊職儀云太僕本周官也蓋謂眾僕之長曰太僕秦因之掌輿馬歷兩漢魏及晉西朝咸置之至東晉元帝省之後復置至成帝又省之

并入宗正宋齊因之五代史百官志云梁又置之加卿字曰太僕卿後皆因之唐初因之後改司馭司僕神龍初復舊聖宋史曰太僕寺掌車輅廢牧之令國有大禮供其輦輅屬車前期戒有司教閱象馬凡儀仗既陳則巡視其行列后妃親王公主執政官應給車乘者視品秩而頒之總國之馬政凡閱馬差次其高下歲終鈎覆帳籍以上駕部若有事於南北郊升輅則卿授綏舊判寺事一人以朝官以上充凡邦國廢牧車輿之政令分隸羣牧司騏驎院諸坊監本寺但掌天子五輅屬車后妃王公車輅給大中小祀羊元豐官制行始歸本寺

元祐二年詔外監事令本寺依羣牧司舊法施行應內外馬事專隸太僕直達樞密院更不經尚書省及駕部崇寧二年詔太僕寺依舊制不治外事歸尚書駕部應馬事上樞密院所隸官司中興後廢太僕寺并入兵部又有羣牧司制置使一人景德四年置先以樞密使副爲之咸平三年以兩省以上官充副使一人以閣門以上及內侍都知充都監二人以諸司使以上充判官二人以京朝官充掌內外廩牧之事周知國馬之政而察其登耗焉凡受宣詔文牒則以時下於院監大事則制置使同簽署小事則專遣其副使都監多不備置判

官都監每歲更出諸州巡坊監點印國馬之蕃息者續文獻通考曰遼南面有太僕寺及諸牧監又曰金不置太僕寺而尚廩局屬殿前都提點司明昌四年置諸羣牧所又提舉圍牧所泰和三年隸各路統軍司又曰元太僕寺掌阿塔思馬匹受給造作鞍轡之事二十四年又別置尚乘寺以管鞍轡而本寺止管阿塔思馬匹二十五年隸中書至大四年定太僕寺卿少卿等官又曰尚乘寺掌上御鞍轡輿輦阿塔思羣牧驢馬驢騾及領隨路局院鞍轡等造作收支行省歲造鞍轡理四怯薛阿塔赤詞訟起取南北遠方馬匹置卿少卿

等官 又曰明洪武六年置太僕寺於滁州永樂元年  
改北平行太僕寺為北京行太僕寺正統六年定為太  
僕寺於是順天等府及山東河南馬政悉屬於北惟兩  
淮及江南北仍屬南京至弘治時屬於南者印格太僕  
寺卿一人掌牧馬之政令而聽於兵部少卿三人一佐  
寺事一督營馬一督畿馬寺丞八人分理京衛畿府及  
山東河南六郡馬政 又曰行太僕寺洪武三十年置  
山西北平陝西遼東等處行太僕寺潘泉不得預馬事  
考馬官苑馬寺亦如之 又曰苑馬寺永樂時置於陝  
西甘肅後遼東亦有苑馬寺

太僕卿二

**原**帝王世紀曰穆王即位命伯冏為太僕今尚書君牙  
伯冏二篇是也 漢書曰夏侯嬰為沛公太僕長奉車  
嬰自上初起沛常為太僕竟高祖世以太僕事惠帝惠  
帝崩以太僕事高后高后崩代王之來嬰與東牟侯入  
清宮以天子駕迎代王共立文帝復為太僕 又曰公  
孫賀字子叔少為騎士從軍數有功武帝初為太僕後  
八歲代石慶為丞相子敬聲代為太僕父子並歷公卿  
上林賦孫叔奉轡簡公參乘 鄭注曰孫叔者太僕賀也 東觀漢記曰祭彤字次  
孫膂力過人嘗貫三百斤弓入為太僕從至魯明帝指



子路室曰此太僕室也太僕吾之禦侮 續漢書曰趙  
岐字臺卿獻帝以為太僕持節安慰天下 王隱晉書  
曰武帝以羊琇為太僕卿遜位加特進 晉書贊曰郭  
展為太僕留心於養生是以廢馬充多其後征吳得以  
濟事 增唐書曰郭元振為涼州都督治涼五歲善撫  
御令行禁止道不拾遺睿宗立召為太僕卿將行安西  
有勞面哭送者旌節下玉門關去涼州猶八百里城中  
爭具壺漿歡迎 宋史曰司馬池通判留守司樞密使  
曹利用奏為羣牧判官利用嘗委括大臣所負馬價池  
曰令之不行由上犯之公所負尚多不先輸何以趣他

人利用驚曰吏給我已輸矣亟命送官數日而羣負者  
皆入金 又曰內侍皇甫繼明給事章獻太后閤兼領估  
馬司自言估馬有羨利乞遷官事下羣牧司閱無羨利  
繼明方用事自制置使以下皆欲附會為奏池獨不可  
池司馬 明獻徵錄曰正德朝孫緒為太僕卿時大司  
先父 馬王德華交結錢寧勢頗張移文太僕語涉不遜緒以  
書數之王引咎先是淮安鳳陽諸郡饑饉馬俱小弱緒  
察其故咸與交兌省費至於萬緡民賴之不破產者千  
餘家 又曰金弼為太僕少卿慨然以馬政脩舉為已  
任屢奉命督理虧耗者自衛使郡守而下悉聽決無不

畏法有順聖川者水草甘肥永樂中嘗牧馬蕃息天順  
初命弼往視定築二城用養天閑之馬增二驛於中道  
以便往來詔嘉納之 又曰弘治間張謙陞南京太僕  
寺卿一以正率下剗除積弊禁革貪污歲省費甚鉅尋  
奏馬政便民四事多見施行 又曰南太僕署在滁陽  
地僻事簡嘉靖間胡鐸以順天府尹改官南太僕優游  
職業閉門著述 又曰嘉靖朝田濡為南太僕寺馬政  
之弊也南畿苦賦北畿苦養濡請以額馬賦十之三其  
七以金代而輸之北寺即有軍興以便宜召買使兩畿  
民力有所蘇息上嘉其議行之後二十餘年山東河南

相踵以請數省民不困而回寺有餘藏常輸以給邊其  
議蓋自濡發之 又曰周仕嘉靖中以高州守薦為陝  
西苑馬寺少卿在任三年諸所建置有裨馬政

### 太僕卿三

**原**前驅

馭駕

周禮曰太僕王出入則自左馭而前驅

白馭

不馭乘辟王也 續漢書曰太僕周官秩中

與

數馬漢武帝柏梁詩太僕曰牧拭輿馬待警來

慶

以策數馬舉手曰六馬慶於 建路鼓 箴乘輿

兄弟

中為簡易而猶如此 魏志曰潘尼字正叔侍中為太僕造

門外

而掌其政 魏志曰潘尼字正叔侍中為太僕造

乘輿

次孫清 子尼儉 續漢書曰祭彤為太僕卿朝

設官部

開鑿類函卷九十三

太僕卿

馬

副有功無不拜之日賜錢百萬馬三匹衣被刀劍下至杯

案什物無不悉備上嘗勸之以為可屬大任魏志曰

馮鮪高第馬

元省費為太僕東觀漢記曰馮鮪為魏郡太守以高第入代趙憲

事減省諸費增封還制書不易賜馬唐書曰劉昌

行營兼涇原節度使子士涇累遷少卿家積財內交權

近善胡琴故得幸於貴人後遷太僕卿給事中章弘景

與薛存慶封還制書上疏論之憲宗曰昌有功於邊士

宋又尚主官少卿已十餘年制書宜下弘景等乃奉詔

易不可至是帝謂曰卿輩歲不與朕馬是時固已知卿

矣原守清近之臣居僕御之任蔣疊數言便宜

傅元陳事精灼東觀漢記曰蔣疊字伯重為太僕久

數言便宜奏議可觀王隱晉書曰傅元為太僕時比

年不登羌胡擾邊詔公卿會議元隨詔所問諫諍精灼

雖不盡施行而梁松為請託免張閭以簡質聞漢

常見優容也魏志曰永寧中太僕東郡張閭以簡質聞周

用忠良任先伯同漢推廉正選在萬年曰小大之臣

咸懷思良其侍御僕從罔非正人漢雜

事云陳萬年為太僕執正廉平內行脩潔

大僕卿四

原正于羣僕尚書同命穆王命同為太

漢記曰劉般為太僕底閑王御傅元太尉楊彪銘云

在朝盡節夜不怠唐書曰張暉為殿中監太僕卿天寶初

增特賜錦袍暉還鄉拜募特賜錦袍施綵御賜詩

以寵異之乘傳來往敕郡縣供擬暉以笏起草宋史

惟華吳越王倣子入朝為神武軍將軍博學能文詞召

設官部院以笏起草立就真宗稱善改太僕少卿獻咸

太僕卿

平聖 舊臣練達 獻徵錄曰洪武二十三年監牧日蕃  
政錄 太僕寺卿首奏都督府衙門各立草場俱於江北  
特拜 太僕寺卿首奏都督府衙門各立草場俱於江北  
龍泉 涿州等處牧放馬匹所轄十四監九十八郡克舉  
職學 息日盛屢荷賞資詔省天下寺觀惟龍泉  
寺以 守仁奏留二僧看守馬神廟守至今 馬大  
蕃息 獻徵錄曰永樂十年命楊砥節副北京郡縣馬匹  
牧之 法與民之利病悉 原視朝正位軍旅贊鼓曰太  
條奏 行之馬大蕃息 燕相其法射贊弓矢曰周禮  
僕職 王視朝正位軍旅田 燕相其法射贊弓矢曰周禮  
役贊 王鼓救日月亦如之 燕相其法射贊弓矢曰周禮  
燕飲 則相其法王射則贊弓矢鄭 燕相其法射贊弓矢曰周禮  
注云 相左右也贊謂授之受之 燕相其法射贊弓矢曰周禮

太僕卿五

原詩 晉孫楚太僕座上詩曰朝欽厥庸出尹京畿迴授  
太僕四牡駢駢綠珥盈箱翠葉葳蕤勳齊庭實增國之

輝

原箴 漢揚雄太僕箴曰肅肅太僕車馬是供鏘鏘和鑾  
駕彼時龍昔在上帝巡狩四宅王用三驅前禽是射紂  
作不令武王征殷檀車孔夏四駟孔昕僕夫執轡載駢  
載駟我輿云安我馬云閑雖馳雖驅匪逸匪愆昔有淫  
羿馳騁忘歸景公于駟而淫於齊詩好牡馬牧於坵野  
輦車就牧而詩人興魯廢焚問人仲尼厚醜孟子蓋惡  
夫廢多肥馬而野有餓殍僕臣司駕敢告執阜 增明  
宣宗太僕寺箴曰軍國所用馬為之最軍國之政馬政  
亦大肆予慎之有駮如雲既克內閑亦渙其羣疇厥庶

設官部

淵鑑類函卷九十三

太僕卿

三

民析之畜牧司其政令命汝太僕政令攸宜閱省以時  
不愆不忘乃蕃乃滋蚩蚩之氓國家之本此既阜豐馬  
息斯奮爾篤於民毋侵毋尅爾勤於職必敬乃德魯僖  
無邪衛文塞淵爾師古人厥功懋焉

**原**誅晉傅元永寧太僕龐侯誅曰烝烝孝敬行著閨庭  
如蘭之芳如金之貞在亂不回處暗斯明仁象春日威  
配秋霜慈恩雨施惠化風揚嘉善獻親疾惡若讐品定  
人倫清濁異流將繼四祖世據削定天假其年主優其  
祿等勲伊呂比壽東嶽

**增**制唐蘇頲授王希雋太僕卿制曰黃門僕臣之任王

命斯允在德而舉其名必彰具官王希雋門承舊閱器  
蘊通才立言可以敏事為政可以居劇登於副尹聲滿  
於字人試乃列卿眷踰於數馬巾車是屬建鼓攸司爰  
賴服勤宜膺邦寵可太僕卿勲封如故 孫述授王昱  
太僕卿制曰門下列彼九卿正於羣僕允膺茲命必藉  
兼才具官王昱韜是明斷資其理識成務有餘奉公不  
撓自持軍律兼委使車能啓刑書以懲貪吏到官未幾  
除惡已多類能則然賞善宜及俾升榮於左馭仍受任  
於北京

**增**封駁給事中韋弘景等封還劉士涇除太僕卿制書

曰伏以司僕正卿位居九列在周之命伯冏其人所以  
惟月應名象河稱重漢朝亦以石慶之謹愿陳萬年之  
行潔皆踐斯職謂之大僚今士涇戚里常人班敘散秩  
以父任將帥家富貲財聲名不在於士林行義無聞於  
朝野忽長卿寺有瀆官常以親則人物未賢以勲則寵  
待常厚今叨顯任誠為謬官其劉士涇新除太僕卿敕  
未敢行下

太僕卿官屬一丞主簿 乘黃署

諸牧監

**原**杜氏通典曰太僕丞秦漢有兩人後漢一人漢書張敞字子

高為太僕丞魏晉因之東晉或省或置梁有丞陳因之後魏

北齊丞一人隋三人唐因之增續文獻通考曰宋太

僕寺置丞簿各一人元置丞二人明置寺丞八人

行太僕寺及苑馬寺寺丞無定員增主簿梁置一人

北齊亦一人隋二人唐因之增續文獻通考曰元不

設主簿明置主簿一人勾省文移增乘黃署後漢太

僕有未央廄令魏改為乘黃廄乘黃古之神馬因以為

名乘黃亦名飛黃背有角日行萬里淮南子云天下有

晉以下因之宋屬太常銅印墨綬進賢一梁冠絳朝服

歷代皆有悉掌乘輿唐令丞各一人掌乘輿車輅典

廄署於周官有校人圉師趣馬掌十二閑之馬漢西京太僕有龍馬長東京有未央廄令掌乘輿及宮中之馬魏為驂騮廄晉有驂騮龍馬二廄自宋以後分驂騮廄屬門下梁太僕有龍廄及內外等廄陳因之北齊有驂騮左右龍等署後周有左右廄各上士一人隋如北齊唐改龍廄為典廄署令二人丞四人掌在廄繫飼馬牛及雜畜事 典牧署於周官牧師下士四人掌牧馬而頒之秦漢邊郡置六牧師令說在諸牧監篇魏晉以下因之隋有典牧牛羊等署各置令丞唐有乘黃等四署令丞各四人掌外牧及造酥酪脯腊之事 諸牧監漢太僕有

牧師諸苑三十六所在北邊西邊以郎為苑監官魏置牧官都尉晉因之自後無聞北齊有左右牝牡駝牛羊等署令後周曰典牝典牡上士中士又有典駝典羊典牛中士隋曰典牧署牛羊署令丞唐初因之分曰牧監置監副監丞主簿 **釋**宋史曰太僕寺所隸官司十車輅院掌乘輿法物凡大駕法駕小駕供輦輅及奉引屬車辨其名數與陳列先後之序 左右騏驎院左右天驕監掌國馬別其駑良以待軍國之用 鞍轡庫應奉御馬鞍勒及以韉轡給賜臣下 養象所掌調御馴象駝坊車營致遠務掌分養雜畜以供負載般運 牧

養上下監掌治療病馬及申駒數元豐末廢畿內牧馬  
監元祐初置左右天廐坊聽民間承田牧地紹聖初置  
孳生監中興後廢太僕并入兵部元史曰資乘庫置  
提點大使等官掌收支鞍轡等物隸尚乘寺元史又有  
典牧監置  
卿監等官掌孳畜之屬營事院羣牧監置卿少卿等官  
掌中宮侍下孳畜禁衛政院羣牧監至大三年立至治  
三年罷皆不  
屬太僕寺

太僕卿官屬二

**增**明歸有光馬政職官志曰唐六典載太僕卿之職掌  
邦國廐牧車輿之政令總乘黃典廐典牧車府四署又  
諸監牧之官屬凡國有大禮大駕行幸則供其五輅屬

車之屬凡監牧所通羊馬籍帳則受而會之以上於尚  
書駕部以議其官吏之考課凡四仲之月祭馬祖馬步  
先牧馬社六典定於開元中其書倣周官敘太僕之職  
為詳別有尚乘局亦具六典及百官志宋初有飛龍廐  
天廐坊騏驎院後置羣牧司廐牧之政皆出於羣牧而  
太僕但掌天子五輅屬車后妃王公車輅元豐改官制  
羣牧之職並歸太僕元祐初令內外馬軍專隸太僕直  
達樞密院不由尚書省崇寧初詔太僕寺不治外事如  
舊制渡江後省寺入兵部其詳具宋史元太僕寺掌阿  
塔思馬又有尚牧監尚乘寺具元史余觀漢表志及唐



六典太僕不徒奉乘輿自天子之六閑外至諸院皆隸之武帝別置奉車駙馬都尉始分乘輿之事唐因隋尚乘局內廢別設官本朝太僕寺統羣牧監後廢監令民養馬而太僕專領之內廢自有御馬監惟或乏馬於太僕取之而鹵簿儀仗陳設大駕駕部與環衛司也皆不復關於太僕南京太僕寺故留京若行太僕寺苑馬寺亦並建無所統一遼東山西陝西有行太僕遼東陝西又有苑馬甘肅有行太僕而舊亦有苑馬苑馬之設遼東則有永寧監清河苑深河苑陝西長樂監則有開盛安定廣寧苑靈武監清平萬安苑皆前代善水草之地

苑馬之設最盛惟不領於太僕與古異 明會典曰馬政有太僕苑馬寺專理而統於兵部凡太僕寺南京太僕寺行太僕寺苑馬寺各以地方分屬而少卿之巡視提督寺丞之分管亦各有分地凡各屬皆有管馬官府以通判州以判官縣以丞簿衛以指揮所以千百戶弘治十八年令各州縣馬不及五百匹者罷管馬官以掌印官帶管此馬政之大概也若內廢馬匹則領於御馬監部寺不得與云

### 車府令一

**原**杜氏通典曰秦有車府令以趙高爲之歷代皆有漢

魏屬太僕宋齊以後屬尚書駕部北齊以下又屬太僕  
唐置令丞各一人掌王公以下車馬

車府令二 未央殿令附

**原**趙高強力 史記云秦王聞趙高強力 太僕屬官 漢書

百官公卿表云太僕屬官有車府令 續漢書百官志云車府

主乘輿馬 又云未央殿令一人六百 曹哀篤學

東觀漢記云曹哀篤學有 官品第七 晉百官表注云

大度舉孝廉拜車府令 上官憂不在馬 漢書上官桀

綬朝服進賢一梁冠官 馬瘦上大怒曰令以我不復

品第七月俸月二十斛 見馬耶桀曰聖體不安日夜憂思誠不在馬淚數行下

為忠 徐匡執法守正 後漢書吳良傳云永平中車駕

車府令徐匡就車收御者送獄詔書趙匡乃自繫  
良上言曰信陽侯就倚持外戚干犯乘輿無人臣禮為  
大不敬匡執法守正反下於理臣恐聖化 劉訓將兵  
由是而弛帝雖赦匡猶左轉良為郎丘長 劉訓將兵  
據門賊轉至京師吏民驚皆奔城郭訓即夜詣省欲令  
將近兵據門 以禦之也

鴻臚卿一 少卿并載

**原**杜氏通典曰周官大行人掌大賓客之禮 周禮又有

鴻臚也 注云若晉 秦官有典客掌諸侯及歸義蠻夷 史記曰韓

漢為連敖徐廣 漢改為鴻臚 應劭曰郊廟行禮贊導九

注云連敖典客 景帝二年令諸侯王薨列侯初封及之國大

聲贊導故 鴻臚 應劭曰皇帝延諸侯王賓王諸侯皆屬

鴻臚奏謚誅策 大鴻臚故其薨奏其行迹賜與謚及哀

設官部 鴻臚卿

附錄通典卷九十三

策誅列侯薨及諸侯太傅初除之官大行奏謚策周禮  
有大行人小行人主謚官故以名之臣瓚曰大行是官  
名掌九儀之制以賓諸侯者顏師古曰事之尊者遣  
大鴻臚而輕賤建中六年改大鴻臚為大行令武帝太  
者遣大行人  
初元年更名大鴻臚又更名其屬官行人為大行令其屬  
官又有郡邸長丞主諸邸之邸在京師者至後漢省但令郎理郡邸秦時又有典屬國官  
掌蠻夷降者漢因之成帝和平元年省之升大鴻臚王莽  
改曰後漢大鴻臚卿一人二千石諸王入朝當郊迎典  
其禮儀及郡國上計餘職與漢同凡皇子拜王贊授印  
綬及拜諸侯諸侯嗣子及四方夷狄封者臺下鴻臚召  
拜之王薨則使使弔之及拜王嗣魏及晉初皆有之自

東晉至於宋齊有事則權置兼官畢則省梁除大字但  
曰鴻臚卿位視尚書左丞常導護贊拜職官錄曰舊視  
中後魏曰大鴻臚北齊曰鴻臚寺有卿少卿各一  
永史部人亦掌蕃客朝及吉凶弔祭後周司寇有蕃部中大夫  
掌諸侯朝覲之敘有賓部中大夫掌大賓客之儀隋文  
帝開皇三年廢鴻臚寺入太常十二年復置領典客司  
儀崇元三署至煬帝置少卿二人唐龍朔二年改鴻臚  
為同文咸亨初復舊光宅初改為司賓神龍初復舊卿  
一人掌賓客凶儀之事及冊諸蕃少卿本一員景龍二  
年加一員領典客司儀二署署各有令 韋昭辨釋名

曰腹前肥者曰臚此主王侯及蕃國言以京師為心體  
王侯外國為腹臚以養之也辨云鴻臚本故典客事掌  
賓禮鴻臚也臚陳序也欲大以禮陳序賓客 東觀漢  
記曰大鴻臚漢舊官建武元年復置屬官大行丞一人  
大行丞有治禮員三十七人主齋祠饋贊九賓之禮又  
有中都官升食以下功次相補 **權**宋史曰鴻臚寺舊  
置判寺事一人以朝宮充元豐官制行置卿少卿等官  
掌朝貢宴勞給賜送迎之事及國之凶儀中都祠廟道  
釋籍帳除附之禁令凡外國君長使節朝見辨其等位  
以賓禮待之授以館舍而頒其見辭賜予宴設之式有

貢物則具其數報四方館引見以進諸蕃封冊即行其  
禮命若凶儀之節宗室以服臣僚以品辨其喪紀而詔  
奠臨賻贈之制及具鹵簿儀物中興後廢鴻臚不置并  
入禮部 **續文獻通考**曰遼南面有鴻臚寺置卿少卿  
等官又有北面 **局**南面客省局置使副使等官  
金以鴻臚寺分屬宣徽院客省引進閣門諸使而鴻臚  
寺不設 元以禮部會同館掌接伴引見外國之來朝  
貢者以通政院廩給司掌各省四方邊遠使客飲食供  
張等事而鴻臚寺不設 明洪武初置侍儀司九年改  
為殿庭禮儀司三十年始改鴻臚寺設卿一人少卿二

人掌朝會賓客吉凶禮儀之事凡日朝朔望大朝會宴  
享經筵進曆進春冊封祭祀傳制奏捷外國見謝辭率  
其屬而供事焉 永樂十九年定鼎北京在留都者加  
南京二字南京正卿例用科目出身而在北者多以監  
生選鳴贊出身者累資陞正卿至嘉隆後方以科目出  
身者推陞其別途出身者太常寺至少卿而止鴻臚寺  
至左少卿而止

鴻臚卿二

**原**漢雜事曰蕭由為陳留太守入為鴻臚卿不任賓贊  
乃還官 襄陽耆舊傳曰習郁為侍中時從光武幸黎

丘與帝通夢見蘇山神光武嘉之拜大鴻臚錄其前後  
功封襄陽侯使立蘇嶺祠刻二石鹿夾神道百姓謂之  
鹿門廟或呼蘇嶺山為鹿門山 魏略曰常林性既清  
白當入官又嚴少府寺與鴻臚對門時崔林為鴻臚性  
闊達不與林同數數聞林撾人吏聲不以為可林嘗夜  
撾吏吏不勝其痛嚙呼嗷嗷其明崔出門與林語曰聞  
卿為廷尉爾耶林不覺答曰不也崔曰君不為廷尉昨  
夜何故考囚乎林慚笑 又曰韓宣字景然明帝時為  
大鴻臚始南陽韓暨以宿德在宣前為大鴻臚及宣在  
位亦稱職鴻臚中為之語曰大鴻臚小鴻臚前後治行

蜀相如 **增**蜀志曰後漢杜瑜字伯瑜後主立為大鴻臚為人靜默少言闔門自守不與外事 **原**山濤啓事曰鴻臚職主故事前後為之者率多不善了今缺當選御史中丞刁攸舊能人也不審於爾宜否 **增**吳志曰張儼字子節吳人也弱冠知名早歷顯位以博聞多識拜大鴻臚使於晉吳主孫皓謂曰南北通好以君有出境之才故相屈行對曰皇皇者華臣蒙其榮懼無古人延譽之美磨鋒淬鏑思不辱命既至車騎將軍賈充尚書令裴秀侍中荀勗等欲傲以所不知而不能屈尚書僕射羊祜尚書何禎並結縞帶之好 **魏書**曰李安世

天安初為主客令齊使劉纘來聘安世美容貌善舉止纘等自相謂曰不有君子其能國乎纘呼安世為典客安世曰三代不共禮五帝各異樂安得以亡秦之官稱於上國纘曰世異之號凡有幾也安世曰周為掌客秦改典客漢名鴻臚今曰主客君等不欲影響文武而殷勤亡秦 **隋書**曰蘇夔字伯尼煬帝方勤遠略朝貢前後相屬帝從容謂宇文述虞世基等曰遐陬率服觀禮華夏鴻臚之職須歸令望寧有多才藝美容儀可以接對賓客者為之乎咸以夔對帝然之即日拜鴻臚少卿 **唐書**曰宇文士及尚煬帝女南陽公主為尚輦奉御

從幸江都遷鴻臚少卿後歸高祖 又曰劉義節為鴻臚卿時傾府庫為軍賞帑財大乏義節曰今京師屯兵多樵貴帛賤若伐街苑樹為薪以易布帛歲數十萬匹可致 又曰賈耽字敦詩為汾州刺史七年政有異績召授鴻臚少卿後至平章事 又曰永泰初高渙為鴻臚卿日本使嘗遺金帛不納惟取牋一番為書以貽之 宋史曰景德間戚綸判鴻臚寺綸以三公尚書九列之任唐末以來有司漸繁綱目不一宜采通禮六典令式比類沿革著為大典時論稱之 又曰孔宗瀚元祐初以司農少卿遷鴻臚卿上言孔子之後襲封者請不

兼領他官終身在鄉里從之 明獻徵錄曰英宗復辟擢楊宣為鴻臚寺少卿凡朝廷宴享朝賀大禮皆出職掌宣脩幹美鬚奏對明暢日見寵遇憲宗立陞鴻臚卿時荆襄叛寇劉千斤伏誅戎帥械繫餘黨多誤陷於辜者宣亟上章論救大要欲重人命謹天戒辭甚婉切有詔法曹詳鞫竟得矜宥 是年因災變下詔修省故云 又曰正德庚午闖劉瑾擅權張永奏瑾大惡詔多官廷鞫駙馬蔡震詰瑾考掠成獄時王希孟為刑部主事讀獄辭慷慨聽者悚然由是銓司器之太宰楊一清選授鴻臚少卿前未有超擢如此者

鴻臚卿三

**原**掌蠻

序客

上詳通典

遷公

慙長

東觀漢記曰

人其陳寵左雄朱寵龔參施延並遷公謝承後漢書曰陳紀字元方遭父太丘長寔憂嘔血絕氣豫州嘉其至行表上尚書圖畫百城以勵風俗袁紹以太尉讓紀紀不受拜大鴻臚卒官子羣為三公天下以為公慙卿

長卿

**原**掌四方夷

贊九賓禮

上詳通典

建高士

禮詳  
**九賓** 羅條百職 漢揚雄九鴻臚後  
**堂** 獻徵錄云鴻臚卿楊宣克自勤恪雖大寒暑風雨未嘗一日闕朝前後賞賚甚多若御製連環詩一統志郎山故號江郎先生正德戊辰舉進士以疾告遍遊太華終南衡嶽匡廬授比部主事屢遷鴻臚寺卿即致仕歸晚年移居武林徜徉湖山總制胡梅林巡撫阮函峯

為建高士

**原**章彪議貢舉

崔林求故事

後漢章彪

大鴻臚是時陳事者多言郡國貢舉率非功次故守職益懈而吏士凌遲彪上議曰忠孝之人持心近厚鍛鍊之吏持心近薄然其要歸在於選二千石二千石賢則貢舉皆得其人帝深納之魏書崔林字德儒為大鴻臚時龜茲王遣侍子來朝朝廷褒賞其王甚厚餘國各遣子來朝間使連屬林恐所遣或非真的道路護送所損滋多勞所養民資無益事為夷狄笑乃移書燉煌喻口并錄前世待遇諸國豐約故事使有恒常  
**柔遠之朝** 遵典屬之任 典屬國鴻臚  
**宗郭况** 魏推恒准選在崔林 東觀漢記曰郭况為鴻臚上數幸其宅飲酒賞金帛甚盛京師號况家為金穴言富實也  
**志** 崔林為鴻臚待遇諸外國故事皆有恒准

鴻臚卿四

**原**撫柔遠賓

漢官解詁云鴻臚贊

職掌九賓

張衡司

空陳公

官部

崇監類卷九十三

鴻臚卿

長



誅云後作鴻臚職掌九  
賓輯寧侯衛懷柔遠人  
**增**雅學達理後魏職令鴻臚少卿請用才任專對  
前涼錄晉使者俞歸至張重華知張鑿才任專對拜典  
客令歸責供給禮簿鑿曰敝國僻小隔絕皇風行臺撫  
臨萬里傾躍今大義未崇先存口實  
非昭德示訓之謂也歸改容謝之  
臯朝京師薦王鐸文雖不足而它可試德宗擢為鴻臚  
少卿先是天寶末西域朝貢及安西北庭校吏歲集京  
師者數千人龍右既陷不得歸皆仰給鴻臚禮賓月四  
萬緡凡四十年名田養子孫如編民至是鐸悉錄名王  
以下無慮四千人畜馬二千皆傳給宰相李泌盡  
以隸左右神策軍以其長署牙將歲省五十萬緡  
歷臺省交游雖驟歷臺省人未之許既而以職業稱寡  
者更驟登峻秩習禮度每旦侍朝為器折狀甚恭特  
蒙寵眷擢禮部侍郎未幾陞尚書加太子少保純長身  
偉然出羣類表不十數年驟登峻秩前此所未有也

局閒事省

獻徵錄嘉靖間胡森為南鴻臚寺卿以局閒事省減去直役談說理學講明國是

鴻臚卿五

**原箴**漢揚雄大鴻臚箴曰蕩蕩唐虞經通陔極陶陶百  
王天工人力畫為上下羅條百職人有才能僚有級差  
遷能授官各有攸宜主以不廢官以不隳昔在三代二  
季不蠲穢德慢道署非其人人失其材職反其官察寮  
荒耄國政如漫文不可武武不可文文大小上下不可奪  
倫鴻臚臣司爵敢告在鄰  
**增**明宣宗鴻臚寺箴曰祗祗  
萬邦咸統於一朝觀會同其儀有秩咨爾鴻臚卿貳暨  
屬時惟爾官必莊以肅必考於度必協於中無簡無煩

設官部

開監類函卷九十三

鴻臚卿

三

周旋雍容惟動以周惟一靡慝敬慎爾儀庶光爾職  
**碑**漢邯鄲淳鴻臚鍾紀碑銘曰內苞九德外兼百行  
川深淪於不測瞻智應於無方弘裕足以容衆矜嚴足  
以正已然後研幾道藝涉覽文學凡前言往行竹帛所  
載靡不悉該於穆上德時惟我君固天縱之允鍾厥純  
命世作則實紹斯文遭險龍潛抗志浮雲所貴在已樂  
存事親雖處畎畝天子屢聞

**增制**唐常袞授蔣渙鴻臚卿制曰朕方脩文德以撫區  
外則重譯象胥之事九儀相贊之職正用髦碩俾之典  
領具官蔣渙顏子之德行張仲之孝友能積其厚以業

於身恭儉之訓可以軌俗學通文變高視一時時屬遠  
人之敘叅授大賓之任韓暨以宿德而拜陳紀以至行  
而遷求舊任賢正當此選待遇諸國宜約故事使有準  
以明等威也可檢校刑部尚書兼鴻臚卿散官勳封如  
故主者施行

**增**銘明許宗魯鴻臚寺少卿胡侍墓志銘曰陟卿禮寺  
左肅朝章寅恭贊導乎百司軌度儀刑乎四裔瞻天咫尺  
身依斧戩之榮捧日周旋晉接冕旒之賁叔孫制禮  
體統正而朝廷尊公西立朝應對諧而賓客悅

鴻臚卿官屬

承典客署  
司儀署

**原**杜氏通典曰鴻臚丞秦曰典客丞漢為鴻臚丞蕭望之為魏晉亦然梁陳後魏北齊皆有之後周曰賓部上士之隋如北齊唐因之有二人主簿一人續文獻通考曰明鴻臚官制鴻臚寺丞主簿各一人寺左右寺丞各一人主簿一人**原**典客署周官有掌客上士中士秦官有典客漢改為鴻臚鴻臚屬官有大行令丞本名行人武帝改為大行令魏改大行令為客館令晉改為典客宋分置南北客館令齊梁陳皆有客館令丞後魏初曰典客監太和中置主客令北齊有典客署後周置東南西北四掌客上士下士隋初又曰典客署置令丞

煬帝改為典藩署唐為典客署置令丞各一人掌二王後蕃客辭見宴接送迎及在國夷狄司儀署周官有司儀上士中士漢大鴻臚有理禮郎自後無聞後魏置司儀官北齊置署令丞後周置上士等員隋如北齊唐因之置令丞各一人掌凶事儀式及喪葬之事增宋史曰鴻臚寺官屬十有二又曰往來國信所掌大遼使介交聘之事又曰都亭西驛及管幹所掌河西蕃部貢奉之事又曰禮賓院掌北諸國朝貢館設及互市譯語之事又曰懷遠驛掌南諸國貢奉之事又曰中太一宮建隆觀等各置提點所掌殿宇齋宮器用

儀物陳設錢幣事 又在京寺務司及提點所掌諸寺  
葺治事 又傳法苑掌譯經潤文 又左右街僧錄司  
掌寺院帳籍及僧官補授事 又同文館及管勾所掌  
高麗使命 已上並屬鴻臚寺中興 續文獻通考曰明  
鴻臚寺官屬有司賓署丞一人司儀署丞一人鳴贊八  
人序班五十四人又設通事司賓典外國朝貢辨其等  
而教其禮儀司儀典陳設引奏禮儀皆以署丞領之鳴  
贊贊禮凡內贊通贊對贊接贊傳贊各供其事序班侍  
班齊班糾儀引人舉案及傳贊 初通事缺人見在通事  
利輕重為出入嘉靖時魏境為鴻臚寺卿疏革其弊凡  
選補各國通事除丁憂緣事不作缺其見缺十人以上

及一國全缺者在外行各邊鎮  
巡每缺精選一人送部詔從之

### 鴻臚卿官屬二

**原**晉志曰王敦為鴻臚卿謂阮修曰卿常無食鴻臚丞  
差有祿能作否修遂為丞 **增**宋史曰鄧肅字志弘少  
警敏能文入太學所與游皆天下名士時東南貢花石  
綱肅作詩十一章言守令搜求擾民用事者見之屏出  
學欽宗嗣位召對便殿授鴻臚寺主簿 明獻徵錄曰  
齊政字以德宣德間吏部從太學諸生選為鴻臚序班  
或謂政且登科甲政曰此古九賓之職也思不能稱耳  
卒就職已酉改鳴贊正統丙辰九載考最陞本寺主簿

仍專鳴贊事後擢寺丞景泰間再擢少卿天順復辟遂  
為正卿政體質魁梧音吐洪亮日侍廷傳而禮制習熟  
動無所失及年既老恭敬愈甚故累朝寵眷遂以諸生  
至九卿

太府卿一少卿并載

**原**杜氏通典曰周官有太府下大夫掌貢賦之貳受其  
貨賄之入頒其貨賄於受藏之府歷代不置然其職在  
司農少府至梁天監七年置太府卿位視宗正掌金帛  
府帑及關津市肆陳因之後魏太和中又改少府為太  
府卿兼有少卿掌財物庫藏王顯謂楊因曰吾作太府  
卿庫藏充實固曰減百官

之祿及賦贖悉入京藏以此充府未  
足為多且有聚斂之臣寧有盜臣

北齊曰太府寺亦

有卿少卿各一人又兼掌造器物後周有太府中大夫  
掌貢賦貨賄以供國用屬大冢宰隋初與北齊同所掌  
左右藏及尚方司染甄官等署煬帝置少卿二人又分  
太府寺置少府監管尚方織染等署而太府但管京都  
市及平準左右藏唐龍朔二年改太府為外府咸亨元  
年復舊光宅元年改為司府神龍元年復舊卿一人少  
卿二人龍朔元年置少卿二人分監  
兩都事太極元年又加一人領兩京諸市平準  
左右藏常平等九署署各有令丞六典曰太府卿之  
職掌邦國賦貨之事總京都四市平準左右藏常平八

設官部

開監類函卷九十三

太府卿

星

署之官屬舉其綱目脩其職務以二法平物一曰度量  
二曰權衡 **增**宋史曰太府寺舊置判寺事一人以兩  
制或帶職朝官充同判寺一人以京朝官充凡廩藏買  
易四方貢賦百官奉給皆隸三司本寺但掌供祠祭香  
幣帨巾神席及校造斗升衡尺而已元豐官制行始正  
職掌置卿少卿等官掌邦國財貨之政令及庫藏出納  
商稅平準貿易之事凡四方貢賦之輸於京師者辨其  
名物視其多寡別而受之儲於內藏者以待非常之用  
頒於左藏者以供經常之費凡官吏軍兵奉祿賜予以  
法式頒之先給曆從有司檢察書其名數鈎覆而後給

焉供奉之物則承旨以進審奏得畫乃聽除之若春秋  
授軍衣則前期進樣定其頒日畿內將校營兵支請月  
具其數以聞凡商賈之賦小賈即門征之大賈則輸於  
務貨之不售者平其價鬻於平準歲以香茶鹽鈔募人  
入豆穀實邊即京都闕用物預報度支凡課入以盈虧  
定課最行賞罰大祀晨裸則卿置幣奠玉則入陳玉帛  
餘祀供其帨巾建炎詔罷太府寺以其所掌職務撥隸  
金部紹興四年復置 續文獻通考曰遼南面有太府  
監 金為太府監置監少監掌出納邦國財用錢穀之  
事 元太府監太卿六員太監六員少監五員掌錢帛

出納之數中統四年置至元四年為宣徽太監凡內府  
藏庫悉隸焉大德九年改為院院判參用宦者至大四  
年復為監 明不設

太府卿二

**增**唐書曰楊隆禮隋齊王暕孫開元初為太府卿時御  
府財物羨積如丘山隆禮性詳密出納雖尋尺皆自按  
省凡物經楊卿者無不精麗歲常愛省數百萬任職二  
十年年九十餘子慎矜繼之而敗 又曰慎矜擢監察  
御史知太府出納慎矜高置風格始議貢物有汙傷責  
州縣償所直轉輕齎入京師自是天下調發始煩天寶

二年權判中丞太府出納如故 又曰楊國忠判度支  
明皇觀左藏庫喜其貨幣山積面賜國忠金紫權太府  
卿國忠專錢穀之任出入禁中日加親幸 宋史曰孝  
宗時廷臣上言四川歲糴軍糧名為和糴實科糴也李  
繫時以倉部郎總領四川財賦乃詔繫與制置使范成  
大同相度繫請變科糴為官糴歲於經費之中斟酌損  
益眠時不使虧毫忽之價出納眠量勿務取圭撮之贏  
訖如其議民樂與官為市遠邇謹趨軍餉坐給而田里  
免科糴始知有生之樂范成大驛言關外麥熟倍於常  
年實由罷糴民力稍紓得以盡於農畝孝宗覽之曰免

科羅一年田間和氣若此乃知民力不可重困也擢繫  
為太府少卿 又曰光宗朝殿中侍御史劉先祖以論  
帶御器械吳端徙太府少卿彭龜年為太學博士上疏  
乞復其位貽書宰相云祖宗嘗改易差除以伸臺諫之  
氣不聞改易臺諫以伸倖臣之私

太府卿三

**增**夏卿 藏府 通典曰梁天監中象四時置十二卿夏卿

孫詔節 尹卿筆 北史曰後魏孫詔為司府少卿節  
告少 唐書曰武后時召尹思貞為司府少卿時節  
知一亦厲威嚴吏為語曰不畏侯卿杖祇畏尹卿筆其  
家坎地獲古戟十二俄  
而門樹戟時人異焉  
崔珙威名 襲譽嚴慤 唐書曰崔

珙有威名精吏治以拔萃異等擢太府卿為嶺南節度  
使入對延英文宗訪治撫後先珙對精亮有理趣帝咨  
差逾久 又李襲譽召為太府  
卿為人嚴慤在位以威肅聞  
**原**位列月卿 職司

天府 居監臨之官 典出入之務 漢用公勤任先  
蔡議 魏推清白選在常林 領貢獻於四方彼無虛  
月 掌財用於五庫我有司存帖

太府卿四

**原**司府 古名少府 唐曰司府 藏府 周禮曰太宰貢之入 **增**固

請終制 唐新語曰睿宗朝秋光嗣有母喪除太府少卿  
定奪卿情理以答殊勲卿屢表固陳詞理懇至循環省  
覽有足可矜今遂所請用勸浮薄待卿情理云畢更俟  
後命仍 不掩人功 宋史曰王綸使北死孝宗訪其孫  
編入史



韓侂胄起兵端天子思繼和好息民凡七遣使無成績  
遣方信孺往有成說矣歸白侂胄意得罪乃以柙持  
書北行金知侂胄已誅和議遂決柙歸奏和議之成皆  
方信孺備嘗險阻再三將命之功臣因人成事乞錄信  
孺功朝論以柙不掩人度支出納相關唐書曰唐制  
揚已多之遷太府卿見物月計符按覆覈有御史以監  
董之則財用不得回隱裴延齡言培糞土得銀十三  
萬兩以貨且百萬已棄而獲皆羨餘也悉三遷皆仍  
移舍以供別教太府卿韋少華劾其妄出入恭謹滌事  
太府元史曰馬札兒台待三宗於潛邸出恭謹滌事  
利用卿泰定四年轉太府卿三遷皆仍太府卿  
納財賦納於左藏四時以其數聞翰苑新書

太府卿五

**增制**唐常袞授呂崇賁太府卿制曰門下九卿之重叅

理於佐邦六府孔脩頒貨於列藏歷代右職莫非高選  
具官呂崇賁忠謹良實居簡向方能用晦於精辨亦體  
微於剛貞峻節孤立清心確然以長才之有餘應羣務  
而多適擁旌乘塞周歷大藩薄於戰功經以事典用明  
既富之教必厚豐財之德自頃艱阻有司曠廢府寺寂  
寥卿府虛設寔成其弊朕甚懼焉今再舉舊章各歸其  
局出納之地眷求惟精兼領三尚之煩以榮四至之列  
可行太府卿散官勲如故白居易授裴武太府卿制  
曰敕聚九州之賦辨百貨之名按其度程謹其出納孰  
為主者外府上卿務殷秩崇不易其選具官裴武有通

敏之識有倚辦之才以茲器用早膺任使小大之務罔不勵精累有勤績存乎官次而受藏之府國用所資若非使能何以集事俾升顯列仍委劇務爾宜率其官屬欽乃職司會帑藏出入之要脩權量平校之法以遵成式無使改易謹而守之斯為稱職

**增**記宋耿秉太府寺廳壁記曰周官三百六十名存於今而職不異者太府一官耳周制下大夫二人上士四人下士八人設屬若是其眾非以其事繁而職重歟故鄭氏謂為主治藏之長秦漢迄隋并置不常上下千載何寂寂咸無可紀也豈出納之吝僅云有司他非所及

耶抑卓偉之才偶不相值耶若曰士舉不逮古則焉敢厚誣獨唐開元中楊隆禮任職二十年有公清之譽性特詳密雖尋尺皆自按省凡物經楊卿者無不精麗吾猶憾焉以其未聞君子之大道也國初省部寺監惟以寄祿寺則光祿太常宗正衛尉司農大理或以卿或以貳或以丞各寓一階別設主判之官以典事惟太府則否其職悉入三司諸按故主判之任罕置逮元豐釐正中更多故歲久莫詳高宗中興駐蹕臨安任職者始可以歲月考

太府卿官屬一

丞 主簿  
左右藏署

諸市署  
常平署

平準署

原杜氏通典曰太府丞於周官為太府上士之任自後  
無聞梁太府丞一人陳因之後魏北齊各一人後周曰  
太府上士隋又曰太府丞唐因之有四人主簿亦周  
官太府下士之任自後無聞梁置一人陳因之後魏亦  
然隋置四人唐因之減一人增宋史曰元豐官制置  
丞簿各二人元符元年增置丞一人崇寧中置藥局又  
添丞一人宣和三年減罷建炎罷太府寺紹興元年復  
以章億守太府寺丞續添置三人紹興四年復置太府  
寺共三丞續文獻通考曰金置丞二人元置五人有  
經歷知事照磨無主簿原諸市署周官有司市下大

夫掌市之理漢京兆尹屬官有長安市長丞後漢則河  
南尹屬官雒陽市長丞魏晉因之東晉則丹陽尹管之  
宋齊因之梁始隸太府陳因之後魏有京邑市令北齊  
則司州牧牧領東西市令丞後魏司市下大夫隋初京  
市令丞屬司農煬帝改隸太府唐因之每市令一人丞  
二人平準署周官有貨人中士下士主平定物價秦  
置平準令漢因之秩六百石掌知物價及主練漆作彩  
色後漢平準令丞隸大司農嘉平四年改平準為中準  
使官者為之列於內署自是諸署悉以閹人為令丞魏  
少府屬官有平準令宋惟掌漆順帝即位以帝諱準故

曰染署齊又曰平準屬少府梁陳則曰平水令丞北齊  
平準屬司農後周曰平準中士下士隋初如北齊煬帝  
改隸太府唐因之令二人丞四人掌官市易 左右藏  
署周官有職幣上士中士掌邦財之幣又外府中士主  
泉藏有玉府掌王之金玉兵器之藏內府中士主貨賄  
藏在內也職內上士主泉貨所入蓋其任也漢少府屬  
官有中藏府令丞魏因之晉有左右藏令屬少府晉江  
東置御史掌庫曹後分庫曹曰外左庫內左庫至宋省  
外左庫而內左庫直曰左庫齊梁陳曰右藏北齊曰左  
右藏令屬太府寺後周曰外府上士中士隋如北齊唐

因之置左藏署令三人

掌庫藏錢布帛雜絲

右藏署令二人

掌銅

角玩弄之物金玉珠寶

香畫綵色進貢雜物 常平署漢宣帝時耿壽昌請

於邊郡皆築倉穀賤時增價而糶貴時減價而糶名曰  
常平倉常平之名起於此也後漢明帝置常滿倉晉又  
曰常平倉自後無聞梁亦曰常平倉而不糶陳因之  
後魏太和中雖不名曰常平亦各令官司糶貯儉則出  
糶隋曰常平倉唐武德中置常平監官以均天下之貨  
市肆騰踊則減價而出田疇  
豐羨則增糶而收觸類長之 後省監置常平署令一人  
掌倉糧管鑰出納糶糴凡天下倉廩和糶者為常平倉  
正租為正倉地子為義倉 天寶八年通計天下倉糧正  
收并和糶等見數凡一億九

設官部

附監類函卷九十二

太府官屬

平



**原**漢書曰趙廣漢廉潔下士有名舉州郡舉茂才為平  
**增**唐書曰天授中裴守貞為司府丞推覈詔獄  
多裁恕全免數十姓不合武后旨出為汴州司馬 宋  
史曰李孟傳參知政事李光幼子也光南謫之日才六  
歲以光遺表恩累官至太府丞韓侂胄欲見之孟傳曰  
行年六十去計已決不敢聞也孟傳博學多聞持身甚  
嚴時推能世其家

淵鑑類函卷九十三

淵鑑類函卷九十四

設官部三十四

秘書監

少監

附

秘書丞

著作郎

著作佐郎

殿中監

丞

尚食局

尚藥局

尚舍局

尚乘局

尚輦局

並附

尚衣監

秘書監一

少監并載

**原**杜氏通典曰周官太史掌建邦之六典又有外史掌  
四方之志三皇五帝之書漢氏圖籍所在有石渠石室  
延閣廣內貯之於外府又有御史中丞居殿中掌蘭臺  
秘書及麒麟天祿二閣藏之於內禁後漢圖書在東觀  
桓帝延熹二年始置秘書監一人掌典圖書古今文字  
考合同異屬太常後省魏武帝又置秘書令典尚書奏

設官部

淵鑑類函卷九十四

秘書監

事文帝黃初初乃置中書令典尚書奏事而祕書改令  
為監掌藝文圖籍之事初屬少府後乃不屬其蘭臺亦  
藏書籍而御史掌之晉武帝以祕書并入中書省其祕  
書著作之局不廢惠帝永平中復別置祕書監并統著  
作局掌三閣圖書自是祕書之府始居於外其監銅印  
墨綬進賢兩梁冠絳朝服佩水蒼玉華譚為祕書監自負宿名意甚不快  
曰臣老矣將死祕閣汲黯之言復存於今日上不悅宋與晉同梁曰祕書省任昉  
昇為祕書監自齊永元以來祕閣四部陳因之後魏亦  
有之後周祕書監亦領著作監掌國史說在祕書丞注隋祕書  
省領著作太史二曹煬帝增置少監一人後又改監少

監並為令唐武德初復改為監龍朔二年改祕書省為  
蘭臺改監為太史少監為侍郎咸亨初復舊天授初改  
祕書省為麟臺神龍初復舊掌經籍圖書監國史領著  
作太史二局太極元年增祕書少監為二員通判省事  
其後國史太史分為別曹而祕書省但主書寫勘校而  
已漢初御史中丞掌蘭臺祕書圖籍之事至魏晉其制猶存故歷代營都邑置府寺必以祕書省及御史臺  
鄰雖非要劇然好學君子亦求為之魏徵後為祕書監  
部書自是祕府初學記曰按祕書監後漢桓帝置也  
掌圖書祕記故曰祕書後省至獻帝建安二十一年魏  
武為魏王置祕書令按漢官及齊職儀秦漢置尚書通掌圖書祕記章奏之事漢武罷尚





作佐郎祕書校書正字各以職隸於長貳元祐中復置  
集賢院校理自校理而上職有六等隨官資除授或領  
內外職任不必專在館中紹聖初罷之宣和初改元豐  
之制增定為十八員以倣唐登瀛之數政和五年詔祕  
書省殿以右文為名改集賢殿脩撰為右文殿脩撰建  
炎三年罷紹興元年復置舊祕書省建於禁中至是權  
寓臨安府法惠寺十四年創  
新省於天井巷之左少監游  
官遂以授禮部侍郎秦禧後  
又以為孟忠厚為醴泉觀使  
如宰執五年立定十八員為額太史局文德殿鐘漏所  
隸焉 續文獻通考曰遼南面祕書監官有監少監監  
丞主簿外有祕書郎正字所屬著作局有校書郎統和

中楊佖嘗居此職金祕書監以著作局筆硯局書畫局  
司天臺隸焉監少監丞各一員祕書郎二員通掌經籍  
圖書校書郎一員以翰林官兼掌校勘在監文籍筆硯  
局直長掌御用筆墨等事泰和七年以女直應奉兼書  
畫局直長掌御用書畫紙札著作局著作郎著作佐郎  
各一員掌脩日曆宋制惟日曆非編脩官不預金著作  
局設郎與佐郎以學士院兼領之  
元制祕書監掌歷代圖籍并陰陽禁書設卿四員大監  
少監各二員監丞二員典簿一員其屬著作郎二員著  
作佐郎二員祕書郎二員校書郎二員辨驗書畫直長  
一員延祐元年定置卿四員參用宦者二人明不設祕

書監圖籍禁書藏之內府

祕書監二

**原** 祕署

仙室

魚臺魏略曰蘭臺臺也而祕書署耳

室道家蓬萊山王融曲水詩序曰學者稱東觀為老氏藏

曰紀言事於仙室謂藏室也

香辟紙魚蠹故仙室注

稱芸臺下詳仙室注

則延閣廣內積如山故外有太常太史博士之藏內

謂之祕室 **增** 木天 大蓬 祕閣 華省 五絕 四部

廣平集云 睽彼蘭臺古稱華省

實非要劇權貴子弟及好利誇侈者率不好此職以監

為宰相病坊丞及著作郎為尚書郎病坊祕書郎及著

作佐郎為監御史病坊為尚書郎病坊祕書郎及著

林祕書省內有落星石薛少保畫鶴賀監草書郎餘令

書鳳號為四絕元和韓公武為祕書郎挾彈中鶴

自齊永元以來祕閣四部篇卷紛雜助手自警校

**典圖書** 掌祕奧 曰夫國史之典將以明失得之跡謂

騎實錄使一代之典煥然可觀今之祕書著作是也散

掌祕奧與宣 考同異 校古今 曰惠帝永平元年詔書

明史籍 考同異 校古今 曰惠帝永平元年詔書

祕書監綜理經籍考校古今課 典文章 綜經籍

集曰詔尚書曰亭侯嶠體素弘簡文學該通經覽古今

博聞多識著書實錄有良史之志故轉為祕書監其加

散騎常侍班同中書省文章門下撰集皆典統及著作理

禮音律天文數術南省文章門下撰集皆典統及著作理

今注 撰皇覽 次竹書 魏志曰王象宇義伯散騎

傳暢晉書贊曰荀勗領祕書監太康二年汲郡冢中得

多所 著陽秋 典文字 何法盛 晉中興書曰孫盛字

尚好學 自少及長 常手不釋卷 既居 增羣玉峰 蓬

史官乃著 三國陽秋 下詳通典 見王母癸已至於羣

萊殿 穆天子傳 穆天子西登崑崙 謝表自草紫泥之詔

遂達 羣玉之峰 彙苑詳注 云唐藏書之地 有昭文崇

文之館 有集賢書院 有脩文弘文 同文 以至蓬萊書殿

庫曰 乾元脩書院曰 祕書內省 曰內 可設羅 寧抱

西京雜記曰 祕書內省 曰內 可設羅 寧抱 通略曰 紹

輿三年 時士大夫 以登臺閣 陸禁從 為顯官 不以官之

遲速 為榮 滯時 語曰 寧登瀛 不為 卿寧抱 槩不為 監

隱士 徵 耆 德 除 山 五 峰 下 四 方 之 士 遠 來 受 學 名

警 日 聞 至 正 七 年 詔 徵 隱 士 以 祕 書 監 著 作 郎 召 赴 京

師 見 於 宣 文 閣 進 考 經 圖 說 帝 大 悅 賜 上 尊 明 年 陞 祕

書 監 又 曰 宋 道 字 弘 道 善 記 誦 避 地 襄 陽 已 而 北 歸

屏 居 河 內 者 十 有 五 年 趙 璧 經 略 河 南 薦 之 歷 任 太 常

少 卿 至 元 十 六 年 太 子 以 耆 德 召 見 侍 原 崇 儒 術

講 經 筵 開 諭 為 多 十 八 年 除 祕 書 監 掌 祕 書 丞 郎 上 祕 書

掌 祕 書 丞 郎 宜 次 尚 書 郎 下 不 然 宜 次 御 史 下 遷 比 尚

書 郎 此 陸 下 崇 儒 術 之 盛 旨 也 東 壁 東 觀 蘭 臺 麟

臺 石 氏 星 經 曰 東 壁 之 星 主 文 籍 東 觀 事 見 仙 室 注

薛 夏 為 祕 書 丞 時 祕 書 掌 蘭 臺 祕 書 圖 籍 又 魚 豢 魏 略 曰

祕 書 丞 特 為 署 耳 謂 夏 不 得 移 當 有 坐 者 夏 報 曰 蘭 臺

為 外 臺 祕 書 為 內 閣 臺 也 閣 也 何 不 相 移 之 幽 贊 符

有 蘭 臺 無 以 折 之 後 遂 以 為 常 麟 臺 詳 敘 事 幽 贊 符

命 宣 明 史 籍 傳 暢 晉 書 贊 曰 庚 峻 自 司 空 長 史 遷 祕

下 詳 掌 宣 明 史 籍 傳 暢 晉 書 贊 曰 庚 峻 自 司 空 長 史 遷 祕

祕 奧 注 宣 明 史 籍 傳 暢 晉 書 贊 曰 庚 峻 自 司 空 長 史 遷 祕

預 朝 政 宣 明 史 籍 傳 暢 晉 書 贊 曰 庚 峻 自 司 空 長 史 遷 祕

編 願 一 見 祕 書 假 直 祕 書 省 未 幾 辭 去 嶠 驚 試 問 與 篇

敏命為祕書監所有奇書難字眾所共惑  
者隨疑判析曲盡其源下詳掌祕與注

得與內宴 疾求解機政會建祕閣參知政事李至以目

祕書監選三館書置閣中俾至總之至每與李昉王化

基等觀書閣下上必遣使賜宴三館學士皆與焉至是

陞祕閣次於三館上嘗幸祕閣出草書千字文為賜

之後便命入閣言宴諷咏終日而罷帝每與嬪

后對酒逢時興會輒命與焉以上祕書監

省 數者舊 彙苑詳注云除上均制還貳書省豈惟

朝廷之重 黃山谷詩云 上官體 員外監 上官儀

擢進士第遷祕書郎太宗每屬文遣儀視稟宴私未嘗

不與高宗即位為祕書少監儀工詩其詞綺錯婉媚貴

顯者多傲之為上官體 中宗時鄭普思以妖幻 班

位祕書員外監支黨徧岐隴間蘇瓌捕繫窮治之

左忠臣 臺閣散地 唐書曰太宗嘗歎五經去聖遠傳

習寢訛詔願師古於祕書省考定

多所釐正既成悉詔諸儒議於是各執所習共非詰之

師古隨方曉答詎據該明人人歎服拜祕書少監一時

人謂杜征南顧祕書為左丘明班孟堅忠臣 宋史曰

太宗端拱三年下詔曰九寺三監國之羽儀制度聲名

往往而在各有副貳率其司存品秩素高職任尤重郎

散地甚無謂焉朕將振之自我而始於是魏羽等為祕

孔承恭等為太常光祿諸寺少卿以郎中魏羽等為祕

書少府將作 制草立就 執經從行 又曰王安中歷

諸監少監 政和間天下多言瑞應廷臣輒箋表賀徽宗觀安中作

稱為奇才他日特書制詔三題使具草立就上即草後

批可中書舍人未幾自祕書少監除中書舍人 元史

曰泰定初廣集遺祕書少監天子幸上都以講臣多高

年命集與集賢學士王結執經以從行經筵之制取經

史中切於心德治道者用國語漢文兩進讀潤譯之際

每選一時精於其學者為之猶數日乃成 疏留劉放

一篇集為反覆以通之然後得無忤 詔趣尹焞

宋史曰哲宗初劉放起為祕書少監以疾

求去於是給事中孫覺胡宗愈中書舍人

設官部 宋史曰哲宗初劉放起為祕書少監以疾

蘇軾范百祿言放博記能文章政事侔古循吏守道不  
回宜優賜之告使留京師又曰高宗時詔以祕書郎  
兼說書起尹焞焞入見就職明年授祕書少監  
新書云趙崇儒拜翰林學士時父驛遷祕書少監德宗  
欲寵其門一日並命又云王珣為祕書少監數年而  
弟璠繼其職  
以上祕書少監

**祕書監三**

**原** 仙省 祕省 祕閣 典籍 傳曰孫伯歷 司典 又

淳熙五年孝宗幸祕書省御製詩一首賜宰臣 紫章服 又

史浩以下祕書監陳騷少監鄭丙賜紫章服 原 儀

依御史 文肅論祕書表云武帝初置祕書儀御史臺

中書不宜與他 職為近密 職於三臺上為近密 兼

**掌國史**

王隱晉書云賈謐字長淵元

增 祕閣遺逸 謝

靈運為祕監 稱祕閣遺逸 原 以辨經緯 北堂書鈔溫嶠表荀崧為

史之才以 增 三入東觀 華嶠集嶠表曰伏見詔書以

辨經緯 向父子世典史籍馬融通博三 瀛洲通籍 合璧事類

入東觀非臣疎淺所敢比迹 規諷得失 唐書曰虞世南為

通籍朋來後又之游 規諷得失 必存規諷太宗嘗謂侍臣

談論及古今帝王行政得失必存規諷太宗嘗謂侍臣

曰朕因暇日每與世南商略古今朕有一言之善世南

未嘗不悅有一言之失未 脩書學士 又曰明皇時詔

嘗不悵悵其懇誠若此 脩書學士 又曰明皇時詔

馬懷素為祕書監以博士尹知章等分部撰次懷素奏

子元為判官然懷素不善著述未能有所緒別及懷素

卒復詔祕書館並號脩書學士草定四部人人意自出

無所統一逾年不成乃以元行沖知麗正院 祕書外

由是祕書省罷換輯而學士皆在麗正矣

設官部 附鑑類函卷九十四 祕書監

監又曰賀知章授祕書監晚節尤放誕嬉里巷自號  
宅為千秋觀又求周宮湖數頃為圖書養性宋史曰  
真宗尹京時妙選僚佐及即位加禮部侍郎以衰疾求  
解近職改兵部侍郎兼祕書監入謝命坐勞之曰圖書  
之府清淨無為俾詢訪舊事又曰真宗時郭贄以集  
朝獻詩自陳進秩吏部俄兼祕書監初真宗未出閣贄  
已授經上嘗至其家至是在祕府屢賜對詢訪舊事  
賢同校理與父欲重此選圖閣學士王勝之為祕書監  
阜同選又勝之雅有文學故也欲更迭補外會要曰  
重此選又勝之雅有文學故也欲更迭補外會要曰  
道元年詔館職所以招延天下英俊苟不親史事  
知民情則將來難備卿之任今後當更迭補外  
頭老監謁其子勸之學賀祕監衣羽服優游何必更事

請調宗詢曰吾作白頭老監枕書藏書之府天下  
而眠何以賀老流沙之服為哉  
之圖原祕府謂祕書漢書藝文志云孝武世建藏書  
說皆充祕府於是天下文籍悉在天祿石渠之閣廣內  
後則圖書在東觀漢記東觀漢記  
有校書傳毅馬融之徒  
書郡公復辭曰尚書務殿公爵至重非臣年少愚近所  
宜荷任請收過恩世相問其所欲馥曰中祕二省多諸  
文士若恩為中護將軍祕書監  
賢之遂拜為中護將軍祕書監  
云太常不常卿祕書不是監  
以其清重不與他職比也  
治平故事命大臣薦士試館閣多一時名士在館率論  
資考次遷未有越次進用者皆以中祕舍人除戶部侍  
郎無咎意以為平緩曰子由此除不離核謂如果之粘  
核也文潛濂曰豈不勝汝枝頭乾元祐初用  
北有果如李每熟不得摘輒便稿土人因取藏之故謂  
設官部淵鑑類函卷九十四  
祕書監

之枝 筮遇乾之畜 翰苑新書云唐崔羣筮易 頭乾 唐六典云漢書府在外則有太常太史博士掌 在禁中 之內則有延閣廣內石渠之藏 劉向揚雄 皆在禁中 謂之中書 猶今言內庫 蓬島窺國史 揚 表也 後漢藏書 東觀亦在禁中也 蓬島窺國史 謝 祕書監 以上 雅好脩飾 唐書曰王紹宗以不附徐敬業 厚擢太子文學 累遷祕書少監 赴東都謁殿 中褒 籍 又曰李益故宰相族子 於詩尤為 祕書少監 負才凌 凌籍士衆 如尚書丞郎 又曰彥繩天寶初 為祕書 不能堪 以 脩五朝大典 樓攻媿集云汪大猷字仲嘉 善職稱 以 除祕書少監 職當脩神宗以 來會要大猷率屬分纂 上聞為置局 命宰臣提 舉書奏五朝之大典始備 以上祕書少監

祕書監四

**原詩** 宋顏延之和謝監靈運詩曰弱植慕端操窘步懼 先迷寡立非擇方刻意藉窮棲伊昔邁多幸秉筆侍兩 闈雖慚丹臆施未謂元素睽徒遭良時詖王道奄昏霾 人神幽明絕朋好雲雨乖弔屈汀洲浦謁帝蒼山蹊倚 巖聽緒風攀林結留萋跂予間衡嶠曷月瞻秦稽皇聖 昭天德豐澤振沈泥惜無雀雉化何用充海淮去國還 故里幽門樹蓬藜采茨葺昔宇翦棘開舊畦物謝時旣 晏年往志不借親仁敷情暱興玩究辭悽芬馥歇蘭若 清越奪琳珪盡言非報章聊用布所懷 梁吳均贈柳 祕書詩曰薜蘿與丹桂奇心復奇骨已蔽蒼龍門又影

設官部

尚書類函卷九十四

祕書監

十

鳳凰闕紫雲依夜來清風扶晚發鷓鴣若上天寄聲謝  
明月 劉孝綽校書祕書省詠懷詩曰終朝守玉署方  
夜勞石扉未能奏絃綺何由辨國圍坐銷風露質遊聯  
珠璧暉偶懷笨車是良知高蓋非旣言謝端木無爲陳  
巧機 沈約奉和竟陵王抄書詩曰教微因弛轡維峻  
屬貞期義乖良未遠斯文煥在茲超河綜絕禮冠楚綴  
淪詩披滕辨蠹冊酌醴訪深疑澄流黜往性泛略引前  
滋漢壁含遺篆名山多逸詞綠編方委閣素簡日盈輜  
空幸參鷓鴣比秀恧瓊芝挹流旣知廣復道還自嗤  
庚肩吾和劉明府觀湘東王書詩曰陳王擅書府河間

富典墳五車方累篋七閣自連雲松槩鏗連反芳帙氣柏

燠許運起厨文羽陵青簡出媯泉綠字分方因接遊聖

暫得奉朝聞峰樓霞早發林殿日先曛洛城復接眼歸

軒畏後羣 周庾信麟趾殿校書和劉儀同詩曰止戈

興禮樂脩文盛典謨壁開金石篆河浮雲霧圖芸香上

延閣碑石向鴻都誦書徵博士明經拜大夫璧池寒水

落學市舊槐疎高談變白馬雄辯塞飛狐月落將軍樹

風驚御史烏子雲方汗簡溫舒正削蒲連雲雖有閣終

欲想江湖 唐鄭谷祕閣伴直詩曰祕閣鎖書深墻

南別晚岑吏人同野鹿庭木似山林淺井寒蕪入迴廊

設官

開監類函卷九十四

祕書監

廿



疊薛侵間看薛稷鶴共起五湖心 白居易祕省後廳  
詩曰槐花雨潤新秋地桐葉風飄欲夜天晝日後廳無  
一事白頭老監枕書眠 宋呂祖謙車駕幸祕書省詩  
曰紫青丹極與天鄰闔闢乾坤繫笑蠶獨為斯文回一  
顧坐令吾道重千鈞先王舊物參差見列聖明謨次第  
陳墨客區區感榮遇豈知深處在彝倫 劉克莊贈素  
祕監詩曰近日頻聞有峻除人傳君相重師儒細旃坐  
穩方輪講羣玉峰高未要扶別後曾過袁閣否新來已  
乞鑑湖無幾時供帳都門外真寫先生作畫圖 黃庭  
堅和孫少監詩曰道山鄰日月清樾深牖戶同舍多望

郎閑官無窘步少監巖壑姿宿昔廊廟具行趨補袞職  
黼黻我王度 朱子寄胡文定及劉恭父詩曰先生去  
上芸香閣閣老新裁豸角冠留取與人臥空谷一川風  
月要人看

**原**箴後漢崔瑗東觀箴曰洋洋東觀古之史官三墳五  
典靡義不貫左書右記其言辛尹顧訪文武明宣  
倚相見寶荆國以安何以季代咆哮不虔在強奮矯戮  
彼逢于衛巫監謗國莫敢言狐突見斥淖齒見殘焚文  
坑儒羸反為漢巫蠱之毒殘者數萬吁嗟後王曷不斯  
鑒是以明哲先識擇木而處夏終殷摯周聃晉黍或笑

或泣抱籍遁走三葉靖公果喪厥緒宗廟隨夷遠之荆楚麥秀之歌億載不腐史臣司藝敢告侍後

**原**詔唐太宗正授顏師古祕書監詔曰祕府望華史官任重選衆而舉歷代攸難守祕書監顏師古體業淹和器用詳敏學該流略詞兼典麗職司圖書亟經歲序朱紫既辨著述有成宜正名器允茲望實可祕書監

**增**制唐李嶠授王方慶麟臺監制曰鸞臺芸閣祕文蓬山奧府是爲國重尤切帝難銀青光祿大夫行鳳閣侍郎王方慶鐘鼎高門簪纓舊德學富古今才優舒向自參機密亟改涼暄西垣掌誥雖藉謨猷東觀屬詞更資

通博宜輟鳳凰之省俾緝麒麟之署可麟臺監仍監脩國史勲封如故主者施行 蘇頌授馬懷素祕書監制曰黃門迺睭文籍填於外府旁求儒雅掌彼中繩左散騎常侍常山縣開國公仍每日入內侍讀馬懷素有舒向之風擅東南之美貫穿從學博而多能沈鬱成章麗而有則自朝趨瑣闥日侍金華事必討論言惟潤色故可以發揮祕奧詳覈異同可祕書監餘如故主者施行 白居易授許季同祕書監制曰敕大理卿許季同國朝以來有劉德威張文瓘唐臨爲大理卿有魏徵虞世南顏師古爲祕書監則設官之重得賢之盛人到於今

稱之今季同以明慎欽恤理刑獄以文學博雅掌圖籍  
由廷尉而長祕府論者榮之宜自重其官自遠其道又  
思與劉張唐魏虞顏爲比不亦自多乎可祕書監餘如  
故

**原表**晉華嶠謝祕書監表曰劉向父子世典史籍馬融  
博通三入東觀非臣庸賤所敢擬蹟

**增記**宋張宦館閣續題名記曰上即位之五年實紹興  
改元歲在辛亥二月詔以多難未弭人才爲急其復祕  
書省直監及少監丞著作郎佐校書正字等以待四方  
雋傑之士又參酌舊制校書郎正字召試學士院而後

命之自是採求闕文補綴漏逸而四庫書籍亦云略備  
矣越三載即祕書省復建史館以脩神宗哲宗兩朝實  
錄選本省官兼檢討校勘官侍從官充脩撰明年詔倣  
唐十八學士之數監少丞外置著作佐郎祕書郎各二  
員校書郎正字通十二員立爲定額又明年移史館於  
省之側別爲一所以增重其事而校勘官或以他官兼  
之至紹興九年脩徽宗皇帝實錄乃即史館開實錄院  
以本省官或他官兼檢討以脩撰官如史館例明年詔  
罷史館并爲實錄院以正名實而著作局惟纂脩日曆  
焉凡在茲選均謂之館職所以蓄儲英髦以備任使臺

諫禁從於此乎取之

祕書丞一

**原**杜氏通典曰祕書丞魏武帝置一人典尚書奏事後文帝黃初中欲以何禎為祕書右丞其後遂有左右二丞劉放為左丞孫資為右丞後省晉復置祕書丞銅印墨綬進賢一梁冠絳朝服嵇紹司馬彪傳暢王謚等並為此官宋為黃綬餘與晉同齊梁尤重齊王儉字仲實為祕書丞上表求校墳籍依七略撰七志四十卷獻之梁劉孝綽除祕書丞武帝曰第一官當與第一人張率字士簡吳郡人遷祕書丞武帝曰祕書丞天下清官東南曹緒未有為之者陳隋印綬與齊同歷代皆有後周柳州為祕書丞時祕書雖領著唐龍朔二年改

為蘭臺大夫咸亨初復舊掌府事勾稽省署抄日初學記曰案祕書丞魏官也齊職儀云初漢獻帝置祕書令有丞二人蓋中書之任也魏文分祕書立中書以祕書左丞劉放為中書監以祕書右丞孫資為中書令而祕書改令為監別掌文籍自置丞一人多以祕書郎遷之其後何禎上許都賦帝異之拜祕書郎後月餘禎關事帝問曰吾本用禎為丞何故為郎案主者罪遂改為丞時祕書本有一丞尚未轉遂以禎為右丞右丞置自禎始也至宋省一丞後代並因之

祕書丞二

設官部

州監類函卷九十四

祕書丞

五

**原鹿車**

**銅印**

王肅表祕書丞郎儀宜比尚書郎侍御

奏一祕書丞郎乘鹿車猶用尺不得朝服

文賦王肅論祕書表云青龍中議祕書丞郎與博士議

才黃初中入為祕書丞謂薛君用何禎曰嚴苞以高

數奏文賦帝甚異之謂薛君用何禎曰嚴苞以高

宣帝與夏推論書傳未嘗不終日也每呼之不名而謂

之薛君

下詳敘事

周書柳刺為祕書丞時祕書雖領著

作不參史事自刺為丞始令兼掌焉

書宋史曰徽宗即位韓宗武為祕書丞哲宗將附廟中

方深而丹青之玩取索不已播之於外懼損聖德疏入

皇太后見之怒曰是皆內侍數輩所為欲盡加罰帝委

曲申救乃已明日太后對宰相獎歎令俟諫官員闕用

之又曰虞允文過三館問誰可為祕書丞者僉以尤

袁對真祕書也

延祖雅有文才又曉音律山濤啓武帝可為祕書郎帝

曰紹既如此便可為丞又曰庾峻少好學有文才轉

祕書丞編觀今古

優詔丞郎之選比黃門郎又云

祕書丞起居注云祕書丞桓石綏啓校定四部之書詔

祕書丞起居注云祕書丞桓石綏啓校定四部之書詔

特詔少而好學

文云俄遷祕書丞司文天閣

祕書丞若水等五人文學高第召試翰林

通判遂州至道三年有使兩川者得道公正清潔之狀

以聞優詔嘉獎遷祕書丞又曰虞允文紹興十三年

登進士第秦檜當國蜀士多屏棄檜死有

薦允文者召對言事上嘉之除祕書丞

設官部

州監類函卷九十四

祕書丞

六

秘書丞三

**原**出宜為郡

王肅云秘書丞郎俱秩四百石

起家為

丞

龍安記云王謐字雅遠少有美譽詔

**書**分局採借

晉

陽秋太元十八年王謐為秘書丞也

家

請張敞太子後率郝儉之故太常桓石秀皆多書之

分局

採借此君可共談魏略曰薛夏字宣聲博學

東

將軍曹休來朝時帝方與夏有所諮論而休適至引

入

坐定帝顧夏謂休曰此君秘書丞天水薛宣聲也

共

談其見惟得此一人書丞文帝謂朝臣曰姚察學

遇

如此今無比我平非承平故事宋史曰雍熙中李昉

行

當今無此一人非承平故事宋史曰雍熙中李昉

陳

惟得此一人非承平故事宋史曰雍熙中李昉

宗

訥為尚書郎昉懇辭以為提點五房事又曰太宗

非

承平故事乃改秘書丞為提點五房事又曰太宗

為

中書刑房堂後官改太子右贊善大夫未幾遷殿中

丞

時以堂後官著作佐郎楊文質為秘書丞提點五房

事上召見謂曰汝見擢用樂崇吉否當自勗勵

**原**表齊王融拜秘書丞謝表曰臣聞升離戒晨陰墻不

照其景膚雲停夕幽草或漏其津至如明兼就日澤深

行雨不有聖德誰或其然所以欽至道而出青皋捨布

衣而望朱闕懷祿仕在代耕期榮不謀入用豈悟特擢

之例事均延祖置左之恩任光元幹踰溢情渥普燭身

表畏翹車而必讓誠濡翼之願辭既聖主謂其可施故

愚臣默思自勉

秘書郎一校書郎

**原**杜氏通典曰按後漢馬融字季長為秘書郎詣東觀典

校書及魏武建國又置祕書郎嘗以劉劭為之出乘鹿  
車晉祕書郎掌中外三閣經書覆校殘闕正定脫誤進  
賢一梁冠絳朝服亦謂之郎中武帝分祕書圖籍為甲  
乙丙丁四部使祕書郎中四人各掌其一鍾會左太沖  
劉隗等並為  
此齊祕書郎皆四員尤為美職皆為甲族起家之選待  
次入補其居職例十日便遷宋王敬弘子恢之召為祕  
書郎敬弘求為奉朝請與  
恢之書曰祕書日有限故有競朝請無限張續  
故無競吾欲使汝處無競之地文帝許之梁亦然字伯  
緒為祕書郎周求不  
遷欲徧觀閣內圖籍自齊梁之末多以貴遊子弟為之  
無其才實歷代皆有北齊又謂之郎中隋除中字亦四  
員唐亦四員分掌四部經籍圖書分判校寫功程事龍

胡中改為蘭臺郎咸亨初復舊開元二十八年減一員  
初學記曰祕書郎魏官也初漢獻帝置祕書令有丞  
郎蓋是中書之任魏文分祕書為中書而祕書別掌文  
籍領祕書丞及祕書郎中郎其任也至宋除中字直曰  
祕書郎此職與著作郎自置以來多起家之選在中朝  
或以才授歷江左多仕貴游而梁世尤甚當時諺曰上  
車不落為著作體中何如則祕書言其不用才也至北  
齊又加中字至隋又除中字出齊職儀及五  
代史百官志唐初因之  
天授初曰麟臺郎神龍初復舊增文獻通考曰宋初  
為寄祿官元豐後掌校寫分貯集賢院史館昭文館祕

設官部  
附錄類函卷九十四  
祕書郎

閣經籍圖書則祕書郎主之元祐四年祕書郎並除陞  
朝官知縣以上資序人任滿除集賢校理紹興初罷校  
理原杜氏通典曰祕書校書郎漢之蘭臺及後漢東  
觀皆藏書之室亦著述之所多當時文學之士使雙校  
於其中故有校書之職初漢成帝時已命光祿大夫劉  
步兵校尉任右校兵書大夫尹咸校數太醫監李  
柱國校方伎後以諸大夫揚雄等亦典校於其中後  
漢蘭臺置令史十八人後漢中丞又選他官入東觀皆  
令典校祕書或撰述傳記後漢明帝以班固為蘭臺令  
以傅毅為蘭臺令史與蓋有校書之任而未為官也故  
班固賈逵共典校書明帝召班固請校書部除  
以郎居其任則謂之校書郎蘭臺令史後遷為郎典校

祕書又劉珍與校書郎劉歆馬融校定東觀五經  
傳記百家藝術整齊脫誤正文字駒徒乃切除大呼  
切又楊忠字子山徵詣蘭臺拜以郎中居其任則謂  
校書郎又賈章為東觀校書郎又後漢蔡邕拜郎中校書東觀又當時重  
之校書郎中馬融為校書郎中請東觀典祕書  
其職故學者稱東觀為老氏藏室道家蓬萊山焉至魏  
始置祕書校書郎晉宋以下無聞至後魏有祕書校書  
郎北齊亦有校書郎後周有校書郎下士十二人屬春  
官之外史隋校書郎十二人煬帝初減二人尋更增為  
四十人唐置八人掌讐校典籍為文士起家之良選其  
弘文崇文館著作司經局並有校書之官皆為美職而  
祕書省為最增文獻通考曰宋初為寄祿官元豐後

設官部  
開監類函卷九十四  
祕書郎



校書郎四人掌校讐典籍刊正訛謬各於其職隸於長  
貳元祐初立試中人除館職法選人除正字京官除校  
書郎建炎初罷紹興復置必召試學士院而後用之  
**原**杜氏通典曰祕書正字後漢桓帝初置祕書監掌圖  
書古今文字考合同異其後監令掌圖籍之紀監述作  
之事不復專文字之任矣今之正字蓋令監之遺職校  
書之通制歷代無聞齊集書省有正書北齊祕書省有  
正字隋置四人唐因之掌刊正文字其官資輕重與校  
書郎同貞元八年割校書四員  
正字兩員屬集賢殿  
**增**文獻通考曰元豐  
後正字二人所掌與校書郎同

祕書郎二

**增**謹畏 簡素 唐書曰薛元敬與收及族兄德音稱河  
東三鳳武德中為祕書郎是時收與房  
杜處腹心之寄更相結附元敬謹畏未嘗申款曲  
約宋書曰蕭惠開家雖貴戚而車服簡素初為祕書郎  
祕書著作並名家年少惠開意趣  
與之多不同比肩或三年不共語  
**原**耽美書 刪舊  
文 蜀志曰邵正字令先安貧好學博覽墳籍弱冠能屬  
文遷祕書郎性澹於榮利極耽書意文章及當代美書  
王隱晉書曰鄭默字思元為祕書郎刪省舊文除其  
浮穢著魏中經簿中書令虞松謂默曰而今而後朱紫  
別 賦三都 著中經 又曰左思字太冲專精三都賦  
矣 為祕書郎 下 掌三閣 定四部 詳通典 別  
詳刪舊文注  
朱紫 澹榮利 上詳刪舊文注  
下詳耽美書注  
**增**千字詩 三元頌  
翰苑新書曰宋袁在陳釋褐為祕書郎嘗製千字詩當  
時以為盛作陳後主召入禁中使為月賦漆翰立成後  
設官部 詳刪舊文注 卷九十四 祕書郎

主曰觀此謝希逸不能專美於前矣又云唐岑白

文本除祕書郎元日奏藉田三元頌文致華瞻

玉堂芸香閣又云杜甫贈故相張九齡詩上君白玉

高府君墓誌祖欽仁檢校祕書郎也又云陳子昂集

郎持三寸筆終入芸香之閣論臺諫獎廉退

曰陳公輔政和三年上舍及第累遷祕書郎言蔡京王

輔用事二十餘年臺諫皆緣以進願釋人臣中不附權

倖慷慨論事者列之臺諫欽宗嘉之擢為右司諫又

曰淳熙元年朱熹始拜命上欲獎用廉退以勵風俗龔

茂良行丞相以熹神清韻遠聳壑昂霄李誦初擢

名進除祕書郎陳子昂嘗稱其神清韻遠可比衛玠

制科授祕書郎陳子昂嘗稱其神清韻遠可比衛玠

又曰房元齡校讐祕書省高孝基謂裴旻曰僕觀人多

矣未有如此郎者但恨地惟蘭省職在芸臺

不見其聳壑昂霄耳

在校文 官惟司典 王安石對策 殷仲容書贊

對策高第除祕書郎中 唐書曰李嗣真擢太常丞天

后奇其風度應對召相王府參軍闕元靜圖之吏部

郎中楊志誠為贊祕書郎殷仲容書以上祕書郎

賈長頭 李浪子 後漢書曰賈逵自童子時入太學諸

時神雀集宮殿帝敕蘭臺給筆札使逵作神雀頌拜為

郎與班固並校書應對左右宋史曰李邦彥懷州人

大觀二年上舍及第授祕書省較書郎邦彥俊爽美風

姿為文敏而工然生長閭閻習鄙事應對便捷善諧謔

能為人爭傳之自號李浪子 註前經 試館職 韓愈

輟詩曰清墨竄舊史磨丹註前經義苑手祕實文堂耳

驚震曰前此學官召試往往止除正 九齡調 崔羣擢

字上曰可除校書郎賞其盡言 奏房瑄 召蘇轍 又曰房瑄

高第曰張九齡擢進士始調校書郎以道侔伊呂科策

輔才擢甲科舉賢良方 陸贄主貢舉梁肅薦其有公

正授祕書省校書郎 奏房瑄 召蘇轍 又曰房瑄

封禪書說張說奇之奏為校書郎 宋史曰蘇轍坐

兄以詩得罪五年不得調 哲宗立以祕書省校書郎召

檢通鑑

撰雜林

又曰司馬康字公休敏學過人以

檢閱文字韓絳薦為秘書由正字遷校書郎又曰王

讀未見書

儷前代事

樓攻魏集云王淮為校書郎

書休假亦入抵幕始歸唐書曰段文昌子成式讀未見

古推蔭為校書郎博學強記多奇篇籍待父於蜀以

幕府人為書因所獲儷前代事無復用者眾皆驚歎

書郎校擢麟臺授供奉又曰陳子昂字伯玉初舉

殿子昂貌柔雅少威儀而占對慷慨擢麟臺正字

曰儀鳳中魏元忠上封事洛陽宮高宗善之授秘書省

內供奉諫微行改使館宋史曰曹輔第進士政和

微行蔡京謝表有輕車小第七賜臨幸自是邸報聞四

宰余深曰輔小官何敢論大事輔對曰大官不言故小

官言之官有大小愛君之心一也少宰王黼顧左丞張

邦昌右丞李邦彥曰有是事乎皆應曰不知輔曰茲事

雖里巷細民無不知相公當國獨不知焉用彼相矣

怒其侵已奏不重責輔無以息浮言遂編管郴州

曰范如主召試秘書省正字秦檜力建和議金使來無

祕府謨訓所藏可使金使居之乎鼎竦見宰相趙鼎曰

試策媚京以書責檜又曰蔡嶷崇寧五年為改館

德業足以配天不幸繼之以元祐紹聖之續述足以永

賴不幸繼之以靖國於是遂擢為第一以所對頌天下

侍從纒九月又曰秦檜議和祕書省正字范如圭與

同省十餘人合議并疏爭之既具草駭遽引却者眾如

圭獨以書責檜曰公不喪心病狂奈何作此草奏與史

遂謁告去久披緗帙粗定鉛黃頻分温媪之

疑仍懼魯魚之謬並見翰苑新書

祕書郎三

設官部

尚監類函卷九十四

祕書郎

**原**芸閣 典校 讐校 芸署 白帖 增不肯調 唐書

威入隋授祕書郎當遷不肯調者十年故學益博而諸

猶棲遲不偶汝尚 老祕書 宋史曰張闡為祕書郎秦

何求耶威笑不答 曰丞相見知得老死祕書幸矣檜默然竟罷之

意嘗謂闡曰祕書久矣欲以臺中相處何如闡謝以已

而不要 唐書曰李素立武德初以親喪解官起授七品

擬祕書郎帝曰清而 望不過此 又曰太宗朝岑文本

產業文本歎曰吾漢南一布衣入關所望不過此 原

書郎縣令耳令位宰相俸稍已重尚何殖產業耶 原

**王謐有美譽** 晉中興琅琊王錄云謐弱 周顛有重名

汝南周錄云顛字伯仁少有重 增東觀十年不調 後

名龔父爵武陵侯拜祕書郎 原 王凌留祕閣吏 魏志

得調才高博洽為世通儒 原 王凌留祕閣吏 魏志

傳云是時青士初定刺史王凌特表請基為別駕後召

為祕書郎凌復請還頃之司徒王朗辟基凌不遣朗書

劾川曰几家臣之良則升於公輔公臣之良則入於王

職是故古者侯伯有貢士之禮今州取宿衛之臣留祕

閣之吏所 鍾會敏達夙成 魏志云鍾會字士季敏達

希聞也 劉隗除祕書郎 少書曰隗除祕書郎 郤正博覽墳

籍 詳耽美 歸朝特授祕書 唐書曰甄濟少孤好學

十載以右拾遺召安祿山入朝求濟於帝乃授范陽掌

書記後濟察祿山有反謀作病歸舊盧祿山反使蔡希

德封刀召之曰即不起斷其頭見我 邑不為動引頸

待之希德敬歎數止刀以實病告後廣平王平東都

官羅拜以愧其心授祕書郎 三司署使汀賊 復禮鄉

又曰徐岱嘉興人世農家子於學無所不通 濟論明銳

荷監類編卷九十四

祕書郎

遺平斗量把推侍 賜祕書副 向事文類聚云班游與劉

詔進讀羣書上器其 入紅蘭省 元稹酬白居易詩曰

能賜以祕書之副 以非急務 帝文類聚云盧植在東觀校

校書記 為吏部時常補校書者八人他皆藉 恥由父任宋史

不藉請託 唐書曰李建貞元中補校書郎德宗思得文

宗諤宰相昉子也七歲能為文恥以父 宜在朝廷曰李

復有經術泰山學春秋范仲淹富弼皆言 十九授校書

杜甫送李校書詩曰李舟名父子清峻流輩伯人問好

書二十 賜童子出身 宋史曰李淑參知政事若谷子

所真宗奇之命賦詩賜童子出身 以上校書郎 脩書成 曰東都事略

試祕書省校書郎 以上校書郎 脩書成 曰東都事略

字淳父司馬光燁同編脩資治通鑑書成上章薦之曰

恬靜不及也由臣頑固纂次淹久致其沈淪而相禹安

者除祕書省正字 掌制手 宋史曰周必大紹興二十

召試館職高宗讀其策曰掌制手也 朋字未正 雜錄

守祕書省正字 為校書省正字 上問晏曰正字正 先

得幾字晏曰神童為校書省正字 惟朋字未正 帝大奇之

進鈞禮 唐書曰蕭穎士開元間舉進士對策第一補祕

器其才 豪健恃才 又曰王翰并州人少豪健恃才及

與鈞禮 厚過之張說至益加 文字生知 宋史曰雍

禮及說輔政召為祕書正字 江南轉運使張去華就試詞

年甫十一太宗聞其名詔詩賦五篇下筆立成太宗深

加賞異宰相削草為賀翌日下制曰汝方騁獻不由師

訓精爽神助文字生知越長絕塵一日千里予有望於

設官部 三洪齊名 與弟遵同中博學宏詞科後

設官部 三洪齊名 與弟遵同中博學宏詞科後

附錄頁九十四

祕書郎

三年弟滿亦中是選由是三  
洪名滿天下改秘書省正字  
梁顥有子又曰梁適翰  
林學士顥之  
子也少孤嘗斷父遺文及所自著以進真宗  
曰梁顥有子矣授秘書省正字以上正字

秘書郎四

**增**詩唐李商隱代秘書贈弘文館諸校書詩曰清切曹  
司近玉除比來秋興復何如崇文館裏飛霜後無限紅  
梨憶校書 陸龜蒙寄韋校書詩曰萬古風煙滿故都  
清才搜括妙無餘可中寄與芸香客便是江南地里書  
宋賀方回寄黃魯直校書詩曰材如杞梓各稱良海  
內知名獨豫章終歲且留天祿閣入看應號紫微郎  
**增**制唐元稹授張籍秘書郎制曰敕張籍傳云王澤竭

而詩不作又曰采詩以觀人風斯亦警予之一事也以  
爾籍雅尚古文不從流俗切磨諷興有助政經而又居  
貧晏然廉退不競俾任石渠之職思聞木鐸之音可守  
秘書郎 白居易授王建秘書郎制曰敕太府丞王建  
太府丞與秘書郎品秩同而祿廩一今所轉移者欲職  
得宜而才適用也詩人之作麗以則建為文近之矣故  
其所著章句往往在人口中求之輩流亦不易得帑藏  
之吏非爾官也而翱翔書府吟咏祕閣改命是職不亦  
可乎可秘書郎

**增**狀宋朱子辭免秘書郎狀曰竊惟國家開建圖書之

設官部

洪名滿天下改秘書省正字

秘書郎

府所以儲蓄秀異之才選試有程未始輕授郎以奉守  
為職雖異典校之官然自昔相承或用以處老成者德  
之士如熹凡陋豈所克堪今若貪冒寵榮不自量度此  
必坐取嘲笑以累聖主知人之明又况頃年屢以多病  
懇辭召命已蒙聖慈洞照肺腑既憐其愛君憂國粗有  
畎畝夙夜之誠而又知其衰朽無庸重閱勞以官職之  
事故凡所以假借褒嘉惠養全活之意雖非愚賤之所  
當得然天地父母委曲生成之恩則有以不可終辭者  
今乃欲因聖主前日所以假借惠養之資而遂夤緣以  
冒進擢無涯之寵則是古人所謂登龍斷以罔市利者

元因唐制為著作局有著作郎著作佐郎亦隸於祕書  
監至明此官不設

著作郎二

**原待詔** 刊石 晉元康元年詔曰著作郎舊隸中書大

作單衣介幘月朔詣於著作省班次依佐郎也

典書曰孫綽為散騎常侍領大著作轉廷尉著作如故

於時才筆之上綽為冠故溫王都才筆 史法 刑石

漢諸公之薨必須綽銘而後刊石

嵩善史法為著作 祕省 史才 帖 司文籍 議

限斷 祕書監虞濬 所請為著作郎議晉書限斷

列學士 為史官 唐書曰太宗為天策上將軍作文學

八學士之列 下詳後 編御製 陳中道 唐書曰著

著作佐郎初學記注

設官詳 州監頭函卷九十四 著作郎

上表請編錄御製詩集太宗謙讓不許  
字中立師事程頤顯學者號龜山先生  
及國王問龜山安在使回以問召為  
元祐諸臣皆祐熙豐願姑置勿問一趨於中而已於是

黃洽由秘書郎遷著作郎上論詞臣秘閣  
備英俊為異時公卿用行黃洽詞臣秘閣  
重書過記功鄒湛謂可著詩語云臣少學博士祭酒

夫國史之典明得失之跡以勸其久跡之事  
之實錄今之秘書著作宜得文史之才以辨經緯  
亨五葉崔駟三世奉至臣五世著作表云自司隸校尉

美談又云崔駟三世相繼其後無間若乃談  
遷接武彪固踵跡向歆著美亦各一世之良也  
浮屠行撰百家類春秋以國子生為岳陽王賓客陳

亡詭浮屠行亡歸江南仁壽中授校書郎貞觀時歷著  
作郎又曰孔至歷著作郎明氏族學與韋述蕭穎士  
齊名撰百家類例以張說等為近世新族刻去之說子  
曰大才夫奮筆成書奈取世家子試政事堂又曰  
何因入動搖卒不改取世家子試政事堂又曰  
欲以真源臨真二公主降世族詔取世家子以聞杜中  
立及校書郎衛洙得召見禁中拜著作郎宋史曰王  
曾召試學士院宰相寇準奇之占對明暢文義汪  
特試政事堂授秘書省著作郎  
洋賢曰向敏中解褐將作監丞通判吉州轉運使張齊  
善之薦其材代還為著作郎召見便殿占對明暢太宗  
蘇軾亦深知之稱其文汪洋澹泊有一唱三歎之聲云  
元祐初為著作佐郎地居華省職在脩文漢  
改著作郎在館八年晉推經術選在李充並為著作  
用史才任先班固晉推經術選在李充並為著作  
推良史選在孟堅晉重名儒任先弘度白

設官部 附蓋頁函卷九十四 著作郎



著作郎三

**原料**簡四部晉陽秋云孝武好覽文藝救著作郎分

作四部充刪除煩重以類相從大著作郎於時典籍混亂

制增潔身不就唐書曰權泉擢進士第安祿山表署

客臨淮為驛亭保祿山反天下聞其名爭辟為屬卒終

不召不就吾潔身亂世以全吾志欲持是受名耶以著作

李華柳識韓洵王定皆仰高節子翼詈人又曰劉

短退無餘李百藥曰子翼詈人入都感不感元興浮

誕又曰舒元輿自負才過人銳進取太和五年獻文閣

李宗閣以浮躁誕肆直筆東觀詔中書令兼著作郎

願得直筆東觀早出魏書故帝使收專其任東觀會

成時政之要以授東觀會而詳宰政記異等改官金史

四元故事狀元官從七品階承務郎世宗以宗獻獨異

等與從六品原官在芸香職惟筆削帖衛顛典

著作魏志衛顛傳云顛受詔典著作又為魏官儀凡

王沈典著作侍書中典著作撰魏書監正元中遷散騎常

壽之實荀勗領著作晉書荀勗以中孫盛領著作

錄也晉中興書太康孫錄云孫盛字安國以祕書監領著作

于實以散騎常侍領著作孫盛字安國以祕書監領著作

領大謝沈有史才晉中興書謝沈傳云沈字靜思何

撰晉書三十餘卷時年五十二沈先著後漢書百卷及

毛詩漢書外傳所著述及詩賦文論皆行於世其才學

在虞預張載不經史王隱晉書曰張載才增應推

之右設官部著作郎

著作郎

著作郎

著作郎

著作郎

崔孝伯後魏書曰韓顯宗除著作郎高祖嘗謂顯宗及  
 委悉若欲取古人班馬之徒固自遼闊若鳳凰將九  
 求之當代文學之能卿等應推崔孝伯若  
 子而翰苑新書曰何承天除著作郎撰國史承天時已老  
 天曰卿當云鳳凰非蘇軾不可  
 將九子何言妳母與漢書云楊彪按華  
 著作郎則曰原楊彪著作東觀續漢書云楊彪按華  
 非蘇軾不可與漢書云楊彪按華  
 嶠書曰彪與馬日磾虛  
 植蔡邕等著作東觀虛  
 領著作侍講東宮其虛  
 所論說多見稱述

著作郎四

**原**詩北齊邢子才酬魏收冬夜直史館詩曰年病從衡  
 至動息自不安兼豆未能飽重裘詎解寒况乃冬之夜

霜氣有餘酸風音響北牖月影度南端燈光且滅華  
 燭新復殘衰顏依候改壯志與時闌體羸不盡帶髮落  
 強扶冠夜景將欲近夕息故無寬忽有清風贈辭義婉  
 如蘭先言歎三友末言慙一官麗藻高鄭衛專學美齊  
 韓審喻雖有屬筆削少能干高足自無限積風良可搏  
 空想青雲易寧見赤松難寄語東山道高駕且盤桓  
**增**制唐李嶠授崔融著作郎制曰鸞臺具官崔融長才  
 廣度瞻學多聞詞麗揚班行高曾史外臺美其方正中  
 省推其良直永言司典尤俟得人載筆西垣既藉微婉  
 紉文東觀更資博通宜升著作之庭兼就記言之地可

設官部

世宗朝卷九十四

著作郎

三

著作郎仍兼右史內供奉官 蘇頌授吳兢著作郎制  
曰黃門具官吳兢祇服言行貫穿典籍蘊良史之才擅  
巨儒之義頃專筆削仍侍軒階宜著書於麟閣復載籍  
於鴻都可行著作郎兼昭文館學士餘如故主者施行  
**原表**梁沈約到著作省表曰臣約言即日被召以本官  
兼今職臣藝不博古學謝專家之懷鉛之志慙夢腸之  
術聯事乖善握蘭慚良謬勒斷蛇之符預刊冰河之業  
路遙難騁才弱未勝而神工曲造雕絢彌疊珥筆史觀  
記言文府趨奉載揚腆懣交頽

**增記**唐李華著作郎廳壁記曰漢太史公既沒其子遷

緘金匱石室之文降及東京永平中特詔班固著作東  
觀繼其事者楊彪蔡邕由是太史但掌天文律曆而已  
魏太和年肇以著作名官為中書屬晉元康年改隸祕  
書朝服單衣介幘始親職必撰名臣傳歷宋齊梁陳官  
品第六元魏高齊周隋秩從五品魏則王沈以侍中兼  
之衛顛以尚書帶之至於有晉若史才之美陳壽自佐  
郎遷元舅之尊庾亮以中書領宋則徐爰何承天齊則  
沈約裴子野梁則陸雲公姚察陳則顧野王張正見後  
魏則崔光高允北齊則邢子才魏收周則蘇亮柳虯隋  
則虞綽王邵皆一朝名選也貞觀初詔梁文昭公鄭文

貞公統英儒盛才脩五代史天子親垂筆削與春秋同符魏魏乎史氏之光耀也因是開館於內別立史官多以著作郎領帶其職而舊司所掌惟碑誌祭祀之文在焉然以其能綜羣言且居百乘出典下國轉為郎官或上遷祕書少監或擢拜中書舍人固不易其任也唐之建官罔非俊乂若虞永興德涵大雅魏侍中才高王佐鄭吏部絕韻鏘鳴崔司業雄詞飛動皆歷焉

著作佐郎一

**原**杜氏通典曰著作佐郎魏置亦屬中書晉佐著作郎八人進賢一梁冠絳朝服祕書監自調補之太元四年詔祕書無

監使吏部選佐著作郎有監復舊又閣纂集云辦湛謂祕書監華嶠曰閣纂可佐著作嶠曰比勢貴多爭不暇求才按此則大著作祕監自調也晉制佐著作郎始到職必撰名臣傳一人宋初以國朝始建未有合撰者其制遂廢宋齊以來遂遷佐於下謂之著作佐郎亦掌國史集注起居梁初周捨裴子野皆以他官領其職官制與大著作同陳氏為令僕子起家之選後魏有著作佐郎北齊有著作佐郎各二人後周有著作中士四人掌綴國錄隋於祕書省置著作曹佐郎八人煬帝加佐郎為十二人唐為著作局置佐郎四人開元二十六年減佐郎二人亦屬祕書省自宋屬祕書龍朔二年改著作佐郎為司文郎咸亨初復舊

設官部

州監領卷九十四

著作佐郎



文筆法為意諸家字體洞臻精妙嘗命中使持御札示  
著著其未盡善也太宗臨學益勤又以示著答如前  
中使詰其故著曰帝王始攻書或驟稱善則不復留心  
矣久之復以問著著曰功已至矣非臣所能及其後真  
宗嘗對宰相語其事且嘉著之善於規益於侍中待詔  
中亦無其比又曰郎簡歷任縣令調隨州推官及引  
對真宗曰簡歷官無過而無一人薦是  
必恬於進取者特改祕書省著作佐郎  
夏湛壞書善著述除著作佐郎當時夏侯湛等好學  
作魏書見壽所  
增文學清選天子門生唐書王義  
作即壞已書  
歲之初雲陽下縣丞耳今春及夏陛下授臣著作佐郎  
極文學之清選宋史曰趙達紹興二年對策論君臣  
父子之情甚切擢第一時檜意有所屬而達對獨當帝  
意檜不悅授達左丞事郎簽書劍南東川帝嘗問檜趙  
達安在檜以實對久之帝又問乃除校書郎達單車赴  
闕征稅者希檜意搜行橐皆書為才數金而已既就職  
大嘗謁檜廣御製詩有皇心未敢晏安圖之句檜見之  
怒曰達猶以為未太平耶欲檜之未及而死帝臨哭檜

還即授著作佐郎兼權禮部員外郎帝臨景靈宮祕省  
起居惟達一人帝謂之曰卿始終皆朕自擢自卿登第  
後為大臣沮格久不見卿秦檜曰薦士未嘗一  
語及卿以此知卿不附權貴真天子門生也

著作佐郎三

增等身課宋史曰賈黃中幼聰悟方五歲父珙每旦令  
士授校書郎集賢  
校理遷著作佐郎  
著作林又曰范純仁以著作佐郎

勸使植桑有罪而情輕者視所植多  
寡除其罰民益賴慕後呼為著作林  
原並有史才晉

族二人並有史才白首衡門後譚知之薦二人擢補著  
作佐郎並  
典治文義武皇帝擢臣負薪之中授臣著

皆稱職  
作佐郎典治天下文  
增內省參纂唐書曰敬播貞觀

義數術乃撰諸志也  
增內省參纂唐書曰敬播貞觀

師古孔穎達撰次隋史詔播  
奉詔至家隱中條山

設官部  
州監類編卷九十四  
著作佐郎

陝隴觀察使李泌數禮餉城受之欲辟致之府不起乃  
薦諸朝詔以著作佐郎召泌使參軍事韓傑奉詔至其  
家城封便殿讀古宋史曰呂文仲入朝為少府監丞  
還詔書郎太平興國中上每御便殿觀古碑刻輒召  
著作佐郎太平興國中上每御便殿觀古碑刻輒召  
文仲讀之嘗令讀文選又令讀江海賦皆有賜賚召  
草定書疏又曰楊億為著作佐郎太宗知其貧屢有露  
在京府徵之為首僚兩策制科異等為校書郎又中  
郎中書疏悉億草定兩策制科異等為校書郎又中  
賢良方正遷著作郎當召試館職仁宗曰  
是非兩策制科者乎何試也命直集賢院  
殿中監尚丞尚食尚葷附尚舍

**原**杜氏通典曰魏置殿中監官晉宋並同齊有內外殿  
中監各八人梁陳因之其資品極下後魏亦有殿中監  
北齊有殿中局置監四人屬門下省掌駕前奉引隋改

為殿內局置監二人大業三年分門下太僕二司取殿

內監名以為殿內省有監少監丞各一人掌諸供奉領

尚食尚藥尚衣尚食即舊殿中局尚舍領左右六尚

輦等六局漢儀注曰省中有五尚即尚食尚冠尚衣尚

沐尚帝尚書若每局各置奉御二人以總之置直長以

貳之屬門下省唐改為殿中省加置少監二人丞亦二

人其官局職任一如隋制為一司不屬門下龍朔二年

改殿中省為中御府改監為中御太監少監改丞為中

御大夫咸亨初復舊丞隋置一人唐加一人增文

獻通考曰宋制殿中省判省事一人以無職事朝官充

舊有六尚之局名別而事存今尚食歸御厨尚藥歸醫  
官院尚衣歸尚衣庫尚舍歸儀鸞司尚乘歸騏驎院內  
鞍轡庫尚輦歸輦院皆不領於本省元豐正官制置監  
少監丞各一人監掌供奉天子玉食醫藥御幄乘輿輦  
舍次之政令少監為之貳凡總六局又置提舉六尚局  
及管幹官一員舊殿中省判省事一人以無職事朝官  
充雖有六尚局名別而事存凡官隨局而移不領於本  
省所掌惟郊祀元日冬至天子御殿及禘祫后廟神主  
赴太廟供其繖扇而殿中監視祕書監為寄祿官而已  
後權太府卿林頴乞復殿中省六尚以嚴奉至尊於是

徽宗乃出先朝所度殿中省圖命三省行之而其法皆  
左正言姚祐所裁定歲崇寧二年也三年蔡京上脩成  
殿中省六尚局供奉庫務敕令格式看詳凡六十卷仍  
冠以崇寧為名政和元年殿中省尚伸上編定六尚供  
奉式靖康元年詔六尚局並依祖宗法又詔六尚局既  
罷格內歲貢品物萬數尚為民害非祖宗舊制其並除  
之續文獻通考曰遼殿中司隸於御史臺官曰殿中  
曰殿中丞其屬有尚舍局奉御尚乘局奉御尚輦局奉  
御尚食局奉御尚衣局奉御金殿中監事多領於殿前  
都點檢司元初殿中監事皆領於四怯薛而兼宿衛四



怯薛者太祖功臣博爾忽博爾木木華黎赤老温四族也命其世領怯薛之長怯薛云者猶言番直宿衛也凡怯薛內執事之名不一如主弓矢主書寫主司閤主典車馬主衣服之類悉世守之又置侍正府即殿中監職也秩正二品侍正十四人同知二人僉府二人侍判二人掌內庭近侍之事奉御二十四人尚冠尚衣尚鞞尚沐尚飾尚輦奉御正副各二員明奉御諸事俱屬內侍此官不設原杜氏通典曰尚食局奉御始秦置六尚有尚食焉如游曰謂掌天子之物曰尚後漢以後并其職於太官湯官北齊門下省又有尚食局置典御二人後周有尚膳上士中士凡進食先嘗之隋分屬殿內改典御

為奉御有二人唐因之龍朔二年改為奉膳大夫咸亨初復舊直長隋置六人唐因之減置五人增文獻通考曰宋尚食掌膳羞之事典御二人奉御六人下有膳工續文獻通考曰遼有尚膳殿中司屬有尚食局奉御元主奉烹膳者曰博爾赤原杜氏通典曰尚藥局奉御自梁陳以後皆太醫兼其職北齊門下省有典御二人隋如北齊之制後改為奉御而屬殿內唐因之龍朔二年改為奉醫大夫咸亨初復舊直長隋置四人唐因之增文獻通考曰宋尚藥掌和劑診候之事典御二人奉御六人下有醫師原杜氏通典曰尚舍局奉

御周禮有掌舍掌王行所止之處帷幕幄帟之事漢少府屬官有守宮令丞掌宮殿陳設魏殿中監掌帳設監護之事晉宋以下其職並在殿中監隋煬帝置殿內監改殿內局為尚舍局置奉御二人唐因之龍朔二年改為奉宸大夫咸亨元年復舊直長隋置八人唐因之而減二人 **續文獻通考**曰宋尚舍掌次舍幄帟之事典御二人奉御六人下有幕士 **續文獻通考**曰遼有殿幄局有寢殿殿中司屬有尚舍局奉御 **杜氏通典**曰尚乘局奉御自秦漢以來其職皆在太僕北齊太僕驛駟署有奉御十人管十二閑馬隋煬帝取之置尚乘

局置奉御二人唐因之增置奉御四人龍朔二年改為奉駕大夫咸亨元年復舊 尚乘奉御掌六閑馬一曰飛開四曰駒駟開五曰天花開六曰天龍開 開元中減二人先是別置廄使因隸焉猶屬殿中 武后萬歲通天二年五月置仗內閑廄為少監開廄使自後他官相循為之 直長隋置十四人唐減四人 **增文獻通考**曰宋尚乘歸驥驥院 **續文獻通考**曰遼殿中司有尚乘局金殿中監有尚廄局 隸殿中監元又立尚乘寺秩從三品掌上御鞍轡輿輦羣牧驢騾及鞍轡造作收支遠方馬匹等事資乘庫提點大使屬之 **杜氏通典**曰尚輦局奉御周官小司

徒中大夫掌六畜車輦又宗伯巾車下大夫掌王后之  
五輅輦車組輓有斐羽蓋古謂人牽為輦春秋宋萬以乘車輦其母秦始皇乃去其輪而輿之漢代遂為人君之乘後漢有乘輿六輦魏晉小出則乘之及過江左考武太元年中謝安率意而作及破符堅得之形制無差大小如一時人歎其默識宋武破慕容超獲金鉏輦古之輦輿大率以六尺為度齊武帝造大小二輦輿雕飾甚工不下輞轆悉金花銀獸梁大輦中方八尺左右開視金鸞拱振隋禮皆乘之漢魏晉並太僕屬官車府令掌之東晉省太僕遂隸尚書駕部宋齊梁陳車府乘黃令丞掌之後魏北齊則乘黃車府令兼掌之後周則司車輅主之隋又乘黃車府令丞掌之煬帝置殿內省尚輦局奉御二人唐因之龍朔二年改為奉輦大夫咸亨元年復舊直長

四人隋置唐因之 **增**文獻通考曰宋尚輦掌輿輦之事元豐中神宗欲復建此官而度禁中未有其地但詔御輦院不隸省寺令專達焉 **續文獻通考**曰遼殿中司有尚輦局金有尚輦局使金各局俱有直長元侍正府尚飾奉御兼尚輦

尚衣監一

**原**杜氏通典曰尚衣監奉御周官有司服中士掌王之服辨其名物戰國有尚衣尚冠之職秦漢有御府令丞掌供御服而屬少府後漢有掌官者典官婢作中衣服魏因之晉屬光祿勳江東省宋大明中改尚方曰左右

御府各置令丞一人後廢帝初省御府置中署隸右尚  
 方其後又置初宋氏用三品勳位明帝改用二品淮南  
 臺御史掌金銀綵帛凡諸造作以供奉及妃主六宮梁  
 陳其職隸在尚方後魏有掌服郎北齊門下省統主衣  
 局都統子統各二人後周有司服上士二人中士二人  
 隋分屬殿內省其後又改為尚衣局置奉御二人唐因  
 之龍朔三年改為奉冕大夫咸亨元年復舊直長隋置  
 八人唐因之減二人 **增** 文獻通考曰宋尚衣掌衣服  
 冠冕之事下有衣徒 續文獻通考曰遼有尚衣裁造  
 殿中司有尚衣局奉御元侍正府掌內庭近侍之事奉

御二十四人為尚冠尚衣尚鞞尚沐尚飾尚輦各奉御  
 二員副奉御二員明此官不設

尚衣監二

**原** 陶正 復陶 傳曰昔虞闕父為周陶正注 罷齊三

服官 漢元帝詔罷齊三服官注春獻冠幘 止害女工

物 漢哀帝詔齊三服官皆止無作輸納也 法天地之數

舉四時之宜 天子相蕭何御史大夫周昌等議春夏秋冬

天子王侯有士之君及兆人能法天地之數中得人故自

天子之大禮臣請法之中謁者趙堯舉春李舜舉夏倪

湯舉秋貢禹舉冬各奉一時制

可注云各主一時禮物朝祭事



